

高安縣志卷之四

山川

山

井

水

岡

橋

石

疲

峯

塘

洞

津

梁

湖

溪

池

坤厚載物山時水流千峯翠聳萬頃波浮鍾靈毓秀磅  
礴四週往來利涉王政先籌溝洫蓄澌利賴田疇寶興  
賞殖大美兼收志山川

山

碧落山

在府署後唐武德時應智頊作守有鳳凰集焉

亦名鳳山上有碧落堂文文山先生祠蘓子由有詩

小洞山

在府學右有清規寺蘓子由與毛國鎮通志作

探菊有句云菊花金粟未曾吐桂酒鷺兒空自黃景

泰初知府夏景建清風亭今改洞山福地寺亭

大愚山 在朝陽門外山麓有真如寺本大愚禪師所居

宋呂祖儉上書忤韓侂胄安置筠州寓此因號大愚叟

今墓在焉鉢盂山在大愚山對面寺墓軒見後

逍遙山 在城西鍾秀門外唐元和十年徙元陽觀于其

上今為妙真宮山左有仙人李八百葫蘆井及煉丹臺

龍化山 在南城西門外舊傳東晉時有龍乘雲化去故

名 澗山 山下有塘百餘畝單姓因以名山

白鶴山 治西北七十里世傳東晉時仙姑丁秀英白日

乘鶴飛昇舊有白鶴觀

高胡山 治西北七十里幸禹錫記云自晉時已有仙壇

在絕嶺遇早祈禱多應又幸元龍壇記云陳夫乞萃徒

輔漢高祖論功封高胡侯子程襲爵無後國除鄉里立

廟祀之早禱如響有永平二年斷碑可辨

白雲山 一名浮樓山治西北七十里下有超果寺東西

有澗有瀑布泉柳州教授孫伯温有記謂之小麻姑

華林山 治西北八十里半屬奉新境元秀真人于此築

醮壇隋大業末應智頊遣義軍羅武于壇側立將軍廟

後遂號為羅武廟其山絕險元至正間李晉成王普敬

正德間陳福一羅長一皆據此巢穴為寇

按通志元秀真人作西王母第九子築壇下有以祭

靈仙四字

謝山 按方輿記在治西北八十里上有奇峯怪石相傳

謝仙君仲初煉丹之地丹竈履跡儼然尚存

以易山 在治西北五十里有奇石成以易二字倒插凌

霄居其地者多以易發科甲上有果老床上天石紅梅

崖夜合石瀑布泉大黃荆樹諸勝

南山 一治西北四十里常有祥雲繚繞山下居人何姓因

以名村

鳳嶺山 在治西六十里按方輿記刺史應智頊嘗屯兵

其上嶺勢峻拔遠望如鳳

舊志作治西七十里

飛霞山 治西七十里豫章吳真人猛修煉之地每齋醮

常有竊數百棲息旬日乃去復有彩霞覆之

西龍山 治西四十五里蜿蜒起伏如龍又其龍發自西

北故曰西龍高數百仞其形如雞籠亦名雞籠山上有石墻仙壇下有古洞天將雨則雲霧興焉遇旱祈雨輒應

按鄭志西龍山在治西四十五里雞籠山在治西南

六十里一在水北一在水南自是兩山府志自高數

百仞及上有石墻以下鄭志俱雞籠山注脚舊志因

府志謂西龍山形似雞籠亦名雞籠山者誤

坡山 治西四十五里因東坡遊此故名山有古柏一株

二幹常以幹之榮枯卜朱氏伯仲二支之興衰

筆架山 在坡山良溪之前東有西流腰帶水

誥軸山 在良溪之後

蓮花山 治西四十二里因其峯巒攢簇如蓮花也

梅墩山 治西四十里下有靈寶觀即梅子真煉丹之所

社山 治西四十里南有樟樹枝葉鬱茂多奇鳥棲止居

人異之立為社壇歲時祈禱

米山 治北三十五里四面流泉土田膏沃生禾香茂為

米精美故名

招山 治東五十五里

按招山在白仙嶺之麓亦在治東北

白蓮花山 治東四十二都三山相連望之如蓮花聳翠

後界大路陳肅齋業有墓廬存

福相山 舊名敗伏山治南百里方輿記陳武帝與賊戰

於此敗其伏兵故名上有仰山廟在十五都菽塘陳

平分山 在十五都大成西上高界

白石山 在十五都上高界

折棠山 治西南七十里

三建山 治西南七十里

青山 治西南六十里清江界

雞籠山 治西南六十里一名鳳凰山高數百仞其上多

異草遊者攀緣而上西有石壁循其下望之如鳳凰天

馬壁下有古壇壇下有洞天將雨雲霧出焉歲旱禱雨

輒應

按鄭志此與西龍山南北里數不同舊志誤合為一

今據鄭志正之說見前

遼山 治西南四十里山下有宋齊邱故居宋景定間邑

人姚勉胡仲雲劉元高曾遊此有藍陂蔭田無算下有石水橋上有鶯池橋山巔有唐末楊權二將軍廟時二將軍奉詔索劉侍郎偵其賢且為仇者所劾不忍索遂登山觸石而死鄉人義之立廟祀焉明教銑劉文光鄒元標前後詠遊有記刻石

羊山 一名石灰嶺治西南四十里宋山川記山產燃石以水沃之即燃措鼎可烹邑人吳夢陽有氣蒸不待薪水活可烹鼎之句

按府志又列石灰嶺條注曰即前羊山最高處

牛眠山 距城六十里在三十都坡山朱佳才封塚存焉

龍華山 治南三十里有寺茂林脩竹幽雅宜人銅陽

劉公址遊此有詩見菰文

龍鬚山 治南二十里橫港西南

釣山 治南三十里有宋劉煥故宅北有劉恕讀書堂遺

址巔有劉仙翁洞山多奇石古松

畚山 治南四十里俗名靜水嶺由釣山橫亘而來至此

陡峙三峯奇秀盤互岡巒叅錯有乳城岡仙溪鳳樓山

雙鹿堆諸勝

荷山 治南二十五里池有紅蓮故名仙人王子喬駕白

象來遊象化為石名曰象石今山巔有丁王二仙壇壇

下有棲霞觀黃金城亦名小浮邱明邑人陳邦瞻有荷  
花山放歌廖暹有荷山賦俱詳藝文旁有團軍岡

馬鞍山 治東二十五里俗呼為馬鞍嶺

連山 治東南七里

龍岡 在府城東一里梁大清間為龍岡寺唐即其地建

靖州今為禪寂院

按府城舊在進龍池東一里即拱辰門內也今院為

李王廟當云縣治北舊志云治東北誤

五龍岡 在府治西本鳳凰山之右翼下有潭深數仞上

有廟先祀漢潁陰侯灌嬰後祀唐刺史應智頊今為城

隍廟

青石岡 治西北四十里暴雨後有石錢石磨等物如指

大者甚多

退田岡 治西北二十里相傳兄弟有訟田者至此而悔

故名

雲岡 治西二十里左有藍塘前有掛榜山

白竹岡 在治東北二十里舊志岡府志誤或謂其地多

產白竹故以為名

按竹龍宮府縣舊志俱云地名白竹岡府志云相傳

有竹化為龍而去即黃仁覽遊憇處縣志云即黃仁

覽騎竹化龍處文雖出入而竹龍觀之與白竹岡同

在一處甚明今竹龍宮在四十一都

郭城岡 在奮山東有穩泉仙溪鹿角灣諸勝蹟上有郭城古祠國初有偏師入粵駐師于此神為畫攻取勢帥有功遣飛騎具金花祀之今存祠中

長樂岡 在治東南十五里

石鼓嶺 在治西與府學對峙下有潭上有石鼓卧牛石

石上有仙跡說者謂其嶺高曠弗峭文士多晦知府鄭璠伐石壘塔其上卓然如筆名曰筆峯今廢明邑人胡鎮有記

主嶺 近華林山有南北嶺三寶嶺皆山勢危峻正德七年官兵分屯于此以討華林古諺云若要華林敗三寶去立寨少南曰南山

真武嶺 在張坊鎮旁有龜蛇山

余博嶺 治西北近丁坊

李家嶺 治西六十里下有石洞寬窳如堂屋

龍珠嶺 在治西北五十里去以易山里許自華林迤邐而來至此折為三幹起伏奔騰蜿蜒如龍下為吳氏住基基前有潭潭中石圓如珠石上有櫛樹四時菁蔥不改是為龍珠潭

辰嶺 在治西北五十里挺峙龍山水口相傳有鳳鳴此處

鹿田嶺 治北三十三都有紫陽書院朱瑗建

仙姑嶺 治西北四十五里一峯尖聳峭立羣山之上至

路口分兩支山勢踴躍迤邐而南蘓溪斜溪二水界入蜀江青石岡台峯坡山社山雲岡教香嶺皆其山之正脉

尖峯嶺 治西北四十里上有峭石形如刀鋒有隱士黃堂遺蹟

十廟嶺 在社山北里許上有大王廟

米嶺 治北三十里唐武德七年因產香米奏改州名為米州

按米嶺重巒疊障巨石層聳上有大床洞洞內有石如床相傳為果老床又有一石平廣如地可晒穀二十石因名為晒穀石其巍峩之勢足稱筠北巨鎮

小米嶺 在米嶺之西

淨因嶺 治北三十五里

望石嶺 治北三十五里

虬嶺 治東北四十里上有虬王廟及雲端書院赤土陳氏建

按通志虬嶺奉新東南二十里半屬高安上有漢劉繇廟

界涌 在虬嶺東樟樹壑向因清丈高奉爭界康熙八年知縣張文旦奉藩司陳批立界石東至黃柏石橋大路西至高安鳳凰嘴坡山南至小港北至高安園公嘴山并庄基為界

蕭嶺 俗呼為小嶺治東三十五里與虬嶺相近昔人有  
虬嶺三獅小嶺九鳳之鈴記云

白仙嶺 治東北招山邑人陳儒建我白山房于後巡撫  
有正直方岳牌

遶城嶺 在大蟹舖四十二都官庄水口

京岡嶺 治東三十里山下有宋敕壘楊繼祖墓上有白

蓮寺因碍昴溪陂墳控毀

磨子嶺 治東三十五里艤口上

百蓋嶺 治東四十里新建界

陽嶺 在十五都筭溪

黃牛嶺 在十五都新喻界

陰岡嶺 治西南八十里舊志作七十里有墟市設巡檢司今裁

多寶嶺 治西南六十五里

袍嶺 治南六十里在十六都

高嶺 治南六十里在十六都相連五峯

虎跡嶺 治西南五十里劉屯田故居之南晉晏仙騎虎飛昇之地石上有虎跡

曦嶺 治西南三十里府學門對之峰峭如畫

神前嶺 治西南三十五里

象到嶺 在荷山之旁舊傳王子喬駕象所經故名

楓嶺 治南二十五里

玉屏嶺 在十一都峭壁倚天奇峯獨出若屏風然

琴嶺 治南二十里上有仙井大旱不涸俗傳丁王二仙

藏琴于此為珠湖龍祖

望珠嶺 治南二十里俗傳丁王二仙遺珠于湖登嶺望

之因名

清潭嶺 治東南三十里

米篩嶺 治東南二十里二三都界山自荷峯迤邐而來

延袤至七星堆突起員峯聳拔羣山每遇秋深薄暮常

有火光隱見如遊龍爛熳山麓上有蕭仙壇壝每年八

月初一遠近朝供旁建佛殿東西兩寮梵音不絕亦叢

林中一大宗派也

鄒公嶺

馬嶺 俱在六都與荷山對峙

天池嶺 在六都稠塘

秀峯嶺 治南五十里八都上有小庵

九子嶺 治南五十里八都上有小庵

仙人嶺 治南六十里七都上有小庵

祖師嶺 治東南三十五里上有雷祖廟

呀口石 近華林山正德間劇盜陳樞一自詭其神殺人

祀之因以駭衆

火石 在丁坊明輝橋側其色紫丁細知韶州任滿州人

以火石贖網載歸覆以亭世祀焉其亭基前至港後至

山

珠石 治西北六十里山形如龍傳是龍所戲珠也

仙蹟石 在調露鄉西溪水口傳果老煮石度人迄今釜  
竈宛然

船石 在三十都西溪童氏雲飛閣外新吳原任餘干訓  
導劉希向有風搖竹樹帆常靜水逐菰蒲纜欲流之句  
插天石 在李家嶺石筍高七八丈

石笋 在二十八都石神灘坡社二山水口近漸長高土  
人以為神祀之

鈎刀石 地名鈎刀有金甲神廟甚靈顯民多祈禱焉  
慈雲峯 治西北六十里張無盡遊此有詩通志作張尚英

台峯 治西北三十里斜溪之西三峯如台星故名  
洪石峯 在治西八十里

雷嶺峯 在十五都大成

員嶠峯 治南八十里嶺南即清江界

碧雲峯 治西南八十里上有雷祖殿其側有祈夢館遠  
近至者無不響應

白雲峯 治西南三十里

神峯 治南四十里迴迴坳邃有奇峯秀出雲表

仙女峯 在一四都界有廟祀王蕭謝三聖母

春洞 在碧落山每遇立春洞中陽氣蒸外人以雞鷩羽

貯中試之氣至輒軒舞而出

迷仙洞 即碧落洞又名李八百洞宋紹興壬申太守羅

薦可易名蘓轍遊八百洞詩有洞門藤蔓鎖烟霞之句

五雷出洞 治西北六十里三十都陽坊羅地

米洞 在米山舊傳唐武德間出米足供僧食僧多亦多

僧少亦少云是石牛精從瑞豐倉來也李英迹而斬之

米遂絕

孟和洞 在十五都陳秋蟬于此得仙

白沙洞 治西南六十里其洞不止一處西南連章武山

皆有洞

章武洞 東北與白沙洞相連

遼山洞 在僚山洞中寬廠可容百十人有竅穴透光若

燭戶然宋郡人姚勉胡仲雲曾遊此

洪石洞 治西南四十里

劉仙翁洞 仙翁廬陵人來遊蜀水遂鹿入洞遇仙

川

錦江 源出袁州府萬載縣龍河渡流至上高凌江合新

昌滕江歷郡城而東匯于南昌之象牙潭而入章江世

傳許遜為蜀旌陽令有奇術晉末人皆疫癘多詣遜請

救遜器水投于上流疾者飲之無不愈邑人以所投器

水即蜀濯錦江之水故名蜀江亦曰錦水

按水經注本作濁水後人去水作蜀蜀有錦江故并

襲之

此從明一統志較舊志詳

下湖 在南石橋之西

蔣家湖 在水南稅課司之下

陳家湖 在城東南市河經其中

白練湖 在縣治後

南道堂湖

藥湖 治西二十五里相傳呂洞賓遺丹于此故湖蛙不

鳴李攀龍有詩云丹藥異人遺湖天蛙聲廢

鮎魚洲 治東二十五里當錦江水口之衝中流突起竹

木縈迴春夏水溢洲隨水長秋冬四周白沙如雪上有樓閣可供遊眺高安一勝境也

菱湖 在易俗鄉以湖饒菱荷故名

小湖 及上中下三湖皆在信義鄉

平湖 治南十五里有四景東林寺鐘西隴牧笛鷺橋飛

跨鷺峯聳漢

珠湖 治南二十里丁王二仙遺珠于此故名環湖居者為傅氏也世多文學之士見古志

清湖 在治東十五里其水四時清瑩隱士朱孔彰居此

巡撫韓雍訪之至其地御史楊潤為撰記

銅湖 在二都注田數千頃有銅湖大王廟

市溪 一名市河蜀江水自靖安門流入城中派經三讓

橋世濟橋迤邐而東出朝陽門復會入江古識云錦水

入市河朱紫滿城多錦水市河通筠州出三公錦水市

河連筠州出狀元宋寶祐癸丑惠政橋成有市河連之

象是年姚勉及第歲久湮塞正德八年知府鄭璠推官汪濬重加濬治可通小舟上下當城處建三石閘以時蓄洩灌溉菜蔬且防火災民深賴焉至嘉靖乙未吳山及第官至少保古識之驗而見矣歲久湮塞

國朝康熙九年知縣張文旦僦工去壅以復故道至康熙丁卯徐日暉發解聯捷官至宮詹陳守釗中式第六甲戊進士官至少司農癸酉朱軾發解聯捷官至文華殿大學士元魁三公之識又歷驗如此今乾隆九年又復開濬元魁三公之盛將有望于斯云

清溪 源出仙姑嶺溪匯衆流方圓六畝夏月蓮盛因名蓮港其水長清又謂之清水塢

碧溪

自幸龍王廟前流經通真橋至府學前入蜀江

蘓溪

在豐安鄉新昌天德鄉之水匯焉經坡山瑞仙橋

至巖上港口入蜀江

按蘓溪坡山皆以蘓長公得名舊志作私溪誤

斜溪

自蕭坊發源經斜橋樟樹橋會梅口入江

務農溪

治東三十里其水自新建界流入于蜀江

按務農溪有二一自虬嶺奉新界南流至畢母橋下

入江一自招山新建界西流至麻溪橋下入江

中洲

在後坊下流四面迴瀾宛在中央

梁家溪

在水南東二十里上接瑞溪下至完溪墻環溪

而居者梁氏也故名梁家溪又名錦溪

磨劍池

在李八百洞旁宋蘓轍有詩羅薦可亦有詩文相傳仙人李八百淬劍于此中產白蓮宋黃庭堅賦製劍池之齒齒以為裳是也

李八百丹井

在府署後圃李八百煉丹之所宋蘓子

由有詩

附米山潭

在米山西潭極深險舊傳有巨牛赤尾陰晦

輒出傷禾稼人畜應使君除之塞其潭蘓頴濱詩人言

西有蛟蜃穴閏年每與風雷俱

龍潭

在燒符地為三十七都之大水口滿潭皆石石具

五色中有深潭蛟螭窟宅傳有法師持符直抵龍宮頃

刻潭水沸騰雷雨驟至詰旦人從崆峒橋來言其符焦

黑如火焚燒因名其地為燒符至今歲旱擊其泉則雨

立至武定遠有記見執文

進龍池

在縣學右南入蜀江舊為學池棄以畀民明正

德十年知府鄺璠復取隸本學陳章有詩

鳳池

在新市巷西北宋知州盧壯文嘗于池上作澄碧

亭

放生池

宋守陶夢訓移于水南知州陳譽築亭其上曰

鳶飛魚躍之所

明熊茂松有詩

紅菱池

在鍾秀門外故學產也為民所侵明正德八年

知府鄺璠因重修府學稽舊籍復之

學池

在南城下湖之北府學租田捲陰

飲馬池

在浮雲山之南一里許甘泉清冽

應使君義兵屯于此

洗硯池

在槐東書院內

幸龍王潭

在龍王廟下深不可測謁者每以詩及楮幣

投之遇旱禱雨輒應

狀元泉井

即舊貢院井在縣學戟門左井上有亭歐陽

世善區曰天一重清天啟丁卯教諭劉國祥有賦載郡

志今廢

葫蘆井

見前逍遙山世傳李八百用劍畫成葫蘆形泉

清冷大旱不涸汲水療病多效

義井

在錦水坊味甘冽大旱不涸

一在大成陳永德妻錢氏全節處

龍見井

在縣學內明知縣葉應乾訓導郭文煥清復侵

地浚此井以便汲有碑記

聖水井

在府治南蜀江觀以許旌陽呪水投此有愈病

之效故名從一統志增

醴泉井

在府治舊三皇廟前甘潔如醴從一統志增

梅仙丹井

在二十九都靈寶觀

丁王二仙丹井

在崇元觀

丁仙姑丹井

在調露鄉

七星井

在玉虛觀孫智諒遺跡

白龍井

治東祥符觀昔有白龍出此故名

黃仙丹井

在祥符觀前二里許

許旌陽丹井

丹井有五一在城東南四十里

許旌陽煉丹之所

按府志許旌陽煉丹壺在高安縣北四十里與通志所載丹井在東南四十里方向皆有誤治東南四十里屬豐城縣北四十里屬奉新俱無旌陽遺跡惟東北之真元觀為許黃煉丹之所有景泰年碑可證

花塢井

治北五十里正德七年華林賊執通判姜榮妾寶氏至此投井死焉今作亭其上

見閩範傳

按姜氏子孫置有祭田尚存

荷山丹井

在荷山丁王二仙煉丹處舊志丹井五一在

城南七十里許丁王二仙煉丹之所

通志

按通志所載即荷山丹井也既訛二十里許為七十里又訛許字及丁王為三仙今正之

湧橋水

在治西北二十里至梅口入蜀江

斷水

治北五里舊傳應使君智頊叱水斷流故名東至

弼口橋入蜀江

龍陂水

源發自米山出務農鄉至高郵市入蜀江

鳴水

治北六十里北流合奉新水按華陽寶錄云碧澗

飛流空谷振響絕頂有石高數仞以物叩之其聲如鼓

華陽水

治西南七十五里有小溪自新喻界

流至華陽北入錦江

冷塘泉

在十六都冷塘盧姓太公腰山脚下

龍口水

治西南六十里發源蛟湖北流至花園渡入江

一名談口水

龍溪水

治西南五十五里北流入江

分口水

治西南十二里發源于易俗鄉東入江

鐘口水

治南三十七里發源荷山入錦江梁時人於此

獲古鐘其鐘九乳形制奇古因以名江江按通志作鐘口

圳泉

治南八十里南城村

藍陂水

在遼山上下有鷺池橋下有石水橋

青石橋水

治南七里北流入江

曲水

治南九十里發源蒙山流出潦澗口東入章江其

流迴環縈折故名

隱泉水

治南三十里釣山之東北泉沸湧出于平田自

三十六陂流出曲水橋入清江界合于贛水

下觀瀑布泉

治西北馬鞍嶺內

按馬鞍嶺在治東南此另是一山

陂塘

府志名水利

信義鄉陂塘湖圳八十八

大塘

廣一百五十畝流蔭田二千頃載糧六石八斗鄒

藍氏

大泊堤

在東岡腦西抵平湖附近居民修築

喻方堤

在二都明知縣蔡國光率舉人梁維新修康熙

甲午洪水衝決雍正甲辰知縣鄭勛率舉人梁家駒督

衆復修

小泊堤

在高郵市內附近居民修築

新豐第一鄉陂塘一百四十

卷之四山川

堰溪 在六都安居有古堰澣瀾溪下分潘婆圳口二溪  
華塘有華溪下前保

八字腦陂 在六都華塘

雷公溪 在七都漳溪趙姓屋基下首

腦蓋窟草坪 在雷公溪之東長三里澗里許坪東北南

俱近豐城界

新豐第二鄉陂塘二十七

仁孝南鄉陂塘湖二十七

仁孝北鄉陂塘湖五十二

洪山鄉陂塘湖四十二

崇木鄉陂塘湖四十二

易俗鄉陂塘湖二十九

楊溪 在縣治南四十里泉源渾浩溉田數百頃通滙仙

橋直達贛江

袍泉 出泉可蔭一都至新喻水北

宣政鄉陂塘二十七

務農鄉陂塘二十三

歸厚鄉陂塘湖二十七

山下陂 發源易藍港

永壽鄉陂塘湖一十七

來賢鄉陂塘一十八

旌義鄉陂塘圳一十六

豐安鄉陂塘一十二

萬碩鄉陂塘一十三

萬碩塘 在四十一都舊蹟歲久傾圮附近居民水旱苦之自甲午歲城南舉人胡起龍呈請修築捐貲助費親行督率經營越歲而功始竣潦則障水以免河決旱則蓄水以資灌溉迄今流蔭捲蔭田共計數百餘頃功既一勞永逸而一方水利之賴實自茲始

調露鄉陂塘九 府志作六

大陂

山石陂 幸氏世築流蔭

官陂 先週蔭李口後及丁坊

羅橋陂 發源周山羅姓流蔭

小陂 及洪山水圳荆田羅姓修

井陂

渺陂 發源山柿三十都井塘修

火燒陂 發源黎家嶺

張坊官陂 在三橋張坊流蔭

鷄塆陂 在三十七都旌義鄉舊在獅子山下後善士汪

廷樸買田改下流蔭數百畝至今賴之

石陂堰 蔡溪胡姓修

津梁

仁濟橋 在縣治右宋淳祐庚戌郡守鄭侃始建名曰惠

政景定庚申燬于兵僅存石址咸淳壬申知州董楷修復德祐乙亥知州周應撤北墩以截元軍橋遂斷至元丙子姚文龍悉取其材修府治譙門惟遺數墩于河大德丁未總管蒲世能重脩架屋四十五間事聞錫名仁濟命學士趙孟頫記宏治丙辰御史張縉僉事沈清先後經理尚書何喬新有記正德甲戌架木多朽知府鄺璠易以石橋乃固嘉靖二十一年知府許仁卿復脩太保吳山有記後歷年久石漸傾圯行人病之

國朝康熙六年郡守葛公全忠召僧一水募化一時院司僚屬及紳士里耆人等捐貲以助得數千金經營越歲而橋乃屹峙今猶如初凡樂助名數皆勒兩旁柱石推

官張公鳳翥記之

各記及詩俱載菴文

錦江橋

一名浮橋在府治前舊名永安橋在城隍廟前

楊吳乾貞二年始建為十三舫宋太平興國七年太守駱登增為十四舫元豐間蘓欒城有詩云虹腰宛轉三百尺鯨背參差十五舫則又增為十五舫脩州門有詩云飛橋日出萬人來則是橋已移州治前矣後又增舟為二十四咸淳間知州董楷既復錦江橋乃徙城隍廟前又四年錦江橋廢復徙置府前然橋當南北之衝每水溢岸多崩明正德九年知府鄺璠隄兩岸以石悉新厥舟密欄重板紐以鐵纜視舊益勝

按浮橋往例三年一小脩五年一大剗板木工賞出

自輸年經理督收概委經照致滋胥役折乾之弊鄉  
 民倍輸之苦康熙八年期值大造知縣張因鑒前弊  
 而立一成之法每畝板木長限一丈濶限七尺各甲  
 均出缺者免之而且親為驗收自行監督不委二手  
 油麻灰丁捐贖備買計日告成官民兩便永著為令  
 書此以告後之有事浮橋者今奉

上革除經理往例難拘則因時制宜板木工贖在良有  
 司別有道以調劑焉耳乾隆十七年郡伯陳公士璠  
 因稽察奸匪設循環二簿委經照二廳每日放舡二  
 次盤詰書名簿內并查胥役需索即行重究商民德  
 之

進龍橋 即鳳凰橋在縣學前右瞰大江知縣杜英建知

府鄭璠重修翼以石欄兩厓疊石為級道垂永利焉

龍化橋 在西安門外

紫雲橋 在朝天坊明成化間修

鸚鵡橋 在桂林坊

世濟橋 宋湖州倅雷沂建

三讓橋 在信義坊市河之中道西通蓮花池左通陳家

湖俗呼三橋舊傳二蘓與黃山谷遇此相揖讓故復名

三讓

小石橋 在陳家湖

豫章橋 在縣東迎恩門外

五口橋 在縣東三里舊名萬石橋俗呼哥口橋先因水淺就沙編筏以渡順治六年郡守楊公召僧蓮成募化監柱架板但制欠堅牢康熙五十三年務農萬碩二鄉釀金倣仁濟橋式立墩捲甕旁立欄杆堅緻廣潤可垂永久

管子橋

架橋

漾塘橋

新溪橋 在祥符觀之東與水西相隔二十里前志悞載

胡可勝建今應改正觀東象建

龍波橋

畢母橋俗呼大抄橋

小抄橋

管溪橋

黃仙橋 旁有彈子堆相傳許真君放彈落此處

大蟹橋 在四十三都康熙己酉年涂之源長源鄧良材

等偕僧自然碧源募建

南石橋 在善慶坊舊名憧憧橋下有石龜

弔橋 在縣北拱辰門外

連錦橋 在縣北三里宋邑宰洪起畏建

朝京橋 俗名斷水橋通米嶺路

青山橋 三十八都水西胡順中建

侯橋 在銅嶺上

昌陂橋 徐會濟修

大湖橋 在縣北十五里

綠溪橋 在三十七都嘉靖年間鄭廣烈修萬歷癸丑鄭

維京重修雍正戊申鄭洞重修

薛家橋

遵日橋

顛雪橋

通真橋 在城西碧溪

稱心橋 俗呼廖家橋

五伯港橋 在城西五里

黃溪橋 在城西十五里吳氏眾三修

南爐邬家橋 在二十九都朱統善修

南爐橋 在二十九都朱達善修

樟樹橋 在二十四都白田港朱達善修

許港橋 在二十九都朱繼德修

瑞仙橋 在坡山港

朔陂橋 在二十九都朱繼德修

靈溪橋 在龍城院前

太平橋 在太平門外

七里橋 在縣西七里

湧橋 僧明道募修南山何智觀捐用相其成

斜橋 在斜溪港今改名象獅橋

飛仙橋 在二十九都社山朱繼德修

梅墩橋 在蘓溪港

蘓溪有功橋 朱家祚修

崗上橋 在二十九都朱繼德修

大市橋 在三十都社山朱吾楫修

小市橋 在會裡陽坊羅上

文溪橋 在善富陳仲微修

誼橋 在張坊張才臣寄臣修

港口橋

南山橋

蕭坊橋

洪城橋

陂頭橋

株橋 在朝陽門外往規甚隘雨久則溢而漫流正德八

年既通市河作石閘引蜀江水自龍化橋入南石三讓

世濟橋復經此橋下入江萬歷戊午本坊金國正等重

建乃增三墩廣舊橋之半以殺水勢因闢城濠以直水

道焉

陽春橋 在南城外遠河處俗呼小林橋

南胥口橋 在水府廟前俗呼老官橋

仁瑞橋 在縣東南劉國仁國瑞修

多稼橋 在縣東南五里

連珠橋 在一都連珠山下

櫟山橋 在一都櫟山之東

聶家橋 亦即杭橋有廟一在瀚塘

明心橋 在明心院前

來蕪橋 在衫林地

掘塘橋 在一都

下藍橋 在左橋前古名信義

大橋 在一都櫟山之南

鳳凰橋 在筋竹祠前

杭橋 在縣東南十五里為豐城通衢舊用木架歲久悉

傾涉者苦之康熙八年里人胡起龍捐賞倡修易以石  
砌較原橋稍遷左

水西橋 在二都庠生梁臣倡修歲久傾圮雍正八年梁

仕冕重造

老君橋 在二都溪上

火燒橋 在瀚塘單邦本修

大成橋 在藍坊

觀下橋 在十華觀左

前港橋 在三都

劉郎陂橋 在三都朱琬朱莢建裔孫朱賢題糾集前房

重修

深巷橋

在縣東南十二里

嶺口橋

在清潭嶺

葫蘆橋

松岡橋

二橋俱在六都荷山

菟溪橋

舜大橋

二橋俱去縣四十里

城頭溪橋

左宅建

獨成橋

南湧橋

在高明門外

一笑橋

在高明門外

青石橋

在縣南五里康熙二年募化僧想元石林重修

株樹下橋

在西南十里

分口橋

在西南十二里王姓建

縫口橋

在西南三十八里

藍橋

在西南五十里

石頭街橋

在西南五十七里

子港橋

在西五十里

華陽橋

去府六十五里里人吳吉初名僧一默修

大橋

在珠湖北

黃山橋

在珠湖南

小杭橋

在塔前鋪上

古良橋

在鋪下

曲水橋 在舖北

石渡橋 在八都謝氏

含陽橋 在縣南十三里道光三年水漲傾圮里人太學生袁用賓之母廖氏重建

白鷺橋 在平湖

橫港橋 在縣南二十里

五里橋 在縣南三十里

轉嶺橋 在十一都

來澗橋 在十一都

善慶橋 在十一都

烏鵲橋 在十二都前港倡修

驄馬橋 在龍城

新猷橋 在十三都

郭城橋 在穩泉下

五美橋 在下十二都教美諧修

上杭橋 在下十二都教大中修

金溪橋 在四十五都

黃舍橋 在縣南八十里

石門德橋 在十五都筭溪陳均政修

按舊志有迎仙橋在府前儀門外今廢

新增

碧落橋 在二十九都康熙六十一年朱文端公修

石橋 在二十九都康熙庚子年朱文端公修

青岡橋

在青岡水口青岡祖居衆修

漪閣橋

在大成

雲樹橋

在菱湖

五馬橋

在菱湖

東港橋

在三十都東港水口東港衆修共八座

望錦橋

在三十五都明何會三席三劄修 國朝康熙

已巳何姓集衆姓再修乾隆己巳十數家增修勒名在

碑

龍潭橋

在二十七都稠溪聞遐齡修知縣祝景灝有記

見菰文

蓮港橋及

墻頭橋 在清溪陳永充子國學生瑞建

作述橋

在三十都桂塘中有鮎魚洲南北兩座俱李

象棠建

烏泥橋

在四十三都監生譚瑋之母吳氏建原任定南

訓導陳肇元有記 見菰文

新景橋

在三十都三十六都界趙德念鄧璉藍會李

浩倡修

聚奎橋

在宣政鄉僧智源募建

楓溪橋

在二十七都邑庠謝振捐修

栗山橋

在十二都埠頭庠士楊應舉召僧募建

兩江口閘橋

在十二都 前港埠頭 楊謝共建

砥柱橋

在三十都新溪胡姓衆建

壁山橋 在三十七都水口鄭熙瑞倡修胡之文為助

石港橋 在四十一都萬碩塢乾隆十八年重修

塘溪橋 在朝陽門外二里許貢生姜汝泗全劉遇勝左

繼良倡修

旺公橋 在三十九都山前劉三選三伋發清重修

文興橋 在筠北象山嘴三十六都藍志環重修

渡

良田渡 去治西十里上即上高界

巖上渡 去治西十里

龍口渡

灰埠渡

花園渡

陵和渡

彭家渡 去治二十五里有二處一在新豐鄉此在三

都

宋家渡

瓦子渡

左家渡

雲居渡

來蕪渡 宋蕪轍謫筠州因兄軾過此同訪劉平伯喚渡

此地因作喚渡亭于水旁在金沙臺下今亭廢

青湖渡

菴前渡

灣頭渡

高郵渡

艤口渡

曲水渡

郭家渡

姜家渡

含陽渡

分口渡

燕溪渡

梅口渡

下有青州渡

去治東三十里下即新建界

在治南九十里

白沙塘 在二都東漢梁姓門首

官溪堤 在治南四十里由穩泉發原賈雷二姓修築

唐家堤 在治南四十里翠竹庵青雲塔右係賈姓與近地居民同築

白沙陂 在三十三都鄒姓築蔭

曹坊橋

琵琶橋

磨下橋

小港橋 以上俱在十九都

永福橋 二十八都楊公墟

城嶺橋 在下十二都城嶺里孫姓衆建

高安縣志 卷之四  
貞固橋 在城北二十七都山北朱世積捐修

永濟橋 在城北二十八都石神灘

下觀橋 在治南十三都張姓衆建

楊港橋 在五里牌

攀桂橋 在三十都富樓幸姓衆建

高安縣志卷之五

戶役 戶口丁徵

歲課 倉帑 水脚 儲卹

拜獻拜登民為邦本則攘賦成飛輓輸悃正供雜徭政

尚平準生齒日繁追呼無警積貯減浮仁至義盡食德

欲和規模廣遠 志戶役

戶口丁徵

宋制有主戶客戶之分 戶口丁徵

寶慶二年戶三萬四千五百四十六

元制有南人戶北人戶軍戶匠戶儒戶民戶醫戶站戶

弓手戶舖兵戶打捕戶僧尼戶道士戶客戶元管生戶

煉銀戶老幼殘疾等戶 戶口丁徵

至治二年錄事司戶五千六百二十二縣戶六萬四千八百

明制有軍戶民戶匠戶校尉戶力士戶陰陽戶醫戶僧道等戶

洪武二十四年戶四萬七千三百七十一口二十萬八千三百零七

天順三年戶三萬七千九百七十口一十七萬一千七百八十七

宏治十五年戶三萬七千八百六十一口一十八萬四百八十一

正德七年戶三萬八千三百五十四軍戶一千六百九十五

五千二百五十 匠戶一千二百九十七 校尉戶二十 力士戶四 醫戶九 僧戶五十一 道戶二十七 八口二十二萬六千七百零七 男子一十五萬四千七百七十四 婦女七萬二千六百二十三

嘉靖三十五年戶五萬三千四百七十九口四萬八千二百六十三

萬曆三十八年戶五萬三千四百七十九內除優免人丁二千四十一

一丁五分實編在編差人丁五萬一千四百三十七丁五分每丁編四差益鈔銀一錢四厘五毫四絲六忽七微二織其優免增減聽糧道每年單派婦女四萬八千二百六十三口 每口派益鈔銀三釐三毫九絲四微四織

崇正十六年丁口同前

國朝順治初年戶口如舊額

順治十一年開除人丁一萬九千九百二十八丁開除  
女口二萬二千五百四十八口

順治十五年新收陞補人丁三千四百二十三丁新收  
陞補女口六千一百三十口

實在人丁三萬六千一百六十丁除優免丁在外  
實在女口三萬一千八百四十五口

順治十八年人丁三萬六千二百二十三丁每丁徵銀  
一錢四分九絲一忽六微五纖婦女三萬一千八百四十五口

徵銀三釐三毫九絲四微四纖優免丁七百六十一丁

每丁扣除優免銀五分五厘八毫九絲九忽二微七纖  
實編銀六分八厘一毫九絲三忽二微二纖明朝舊  
國朝順治初年自鄉紳以及生員每免人丁三丁民糧三  
石順治十四年題定從免本身一丁餘丁不免原額優

免米二石一槩裁辦

康熙元年署縣饒州通判李爾蕙編審陞補人丁六千  
五百一十四丁陞補婦女四千六百口

康熙三年實在人丁四萬三千三百八十一丁優免丁  
在內照前扣除婦女三萬六千四百四十五口

康熙六年知縣張文且編審新收人丁二百九十一丁  
新收婦女二百零三口

康熙九年實在人丁四萬三千六百七十二丁優免丁  
五百八十五丁在內婦女三萬六千六百四十八口

康熙十年編審至康熙五十年編審節屆滋生人丁三  
百丁滋生婦女二百二十七口

實在人丁四萬三千九百七十二丁優免丁在內婦女  
三萬六千八百七十五口

康熙五十二年欽奉

恩詔

以五十年丁冊定為常額續生人丁永不加賦外自康熙

五十五年編審至乾隆十一年編審節屆滋生人丁二  
百五十丁婦女一百五十九口

實在人丁四萬三千二百二十六丁優免丁七百四十

婦女三萬六千八百七十五口

實徵丁口銀五千五百四十四兩八錢五分五釐八毫

雍正五年奉文攤派通省地糧內均勻帶徵高邑計減

徵銀二千四百七十兩三錢九分三釐六絲

實徵丁銀三千七十四兩四錢六分二釐七毫四絲遇

五年編審陞減數照例均攤

乾隆三十七年欽奉

上諭嗣後編審之例永行停止

乾隆四十八年

奏報烟戶九萬六千四百三十五戶男大小共三十八萬

五百五十丁女大小共一十八萬七百四十五口

乾隆五十八年

奏報烟戶九萬七千八十三戶男大小共三十九萬八千

一百一十九丁女大小共一十九萬四千三百六十口

嘉慶元年

奏報烟戶九萬七千三百一十戶男大小四十萬二千五百二十六丁女大小一十九萬八千一百八十七口

嘉慶五年

奏報烟戶九萬七千六百二十二戶男大小四十萬八千一百四十八丁女大小二十萬三千四百六十口

嘉慶十年

奏報烟戶九萬七千九百七十六戶男大小四十一萬三千二百九十三丁女大小二十萬九千四百三十三口

嘉慶十五年

奏報烟戶九萬八千三百三十三戶男大小四十一萬九千零二十七丁女大小二十一萬四千八百四十七口

嘉慶二十年

奏報烟戶九萬八千七百零一戶男大小四十二萬二千七百七十五丁女大小二十一萬九千四百零四口

嘉慶二十五年

奏報烟戶九萬九千一百四十二戶男大小四十二萬七千三百二十四丁女大小二十二萬五千零二十九口

道光元年

奏報烟戶九萬九千二百一十一戶男大小四十二萬八千三百三十八丁女大小二十二萬六千一百六十三口

道光三年

奏報烟戶九萬九千三百五十八戶男大小四十三萬零  
一百一十八丁女大小二十二萬八千四百零六口

謹按丁賦即古力役之徵也小民食毛踐土報効無從  
每歲輸納丁銀至微甚細乃我

聖祖仁皇帝敕福錫民

詔以康熙五十年丁冊定為常額續生人丁永不加賦復蒙  
世宗憲皇帝軫念貧黎

命將丁銀攤入地糧內帶徵此實亘古未有之

曠典迄今承平年久生齒益繁林林總總之氓幾不知從前有

按丁納糧之例各安耕鑿皞皞如也猗歟休哉

### 畝課

漢制徵收輸納因田定賦積畝科糧或增或汰舊志未  
載無從稽考由漢而六朝無不類然

唐制徵收輸納因田定賦積畝科糧或增或汰舊志未  
載無從稽考由唐而五代無不類然

宋制徵收輸納因田定賦積畝科糧或增或汰舊志未  
載今亦失考其可考者自元英宗始

元至治二年查郡志高安縣田糧五萬七千二百一十  
八石五斗二升三合四勺

按土田者生民之本計兩賴賦稅者國家之度支兩闕  
高安自漢建邑何以賦稅獨準于元蓋時有變通法無

一定布膏施澤見上之好仁奉上急公見下之好義於此得體國經野之道焉

元末偽漢陳友諒部將劉伍竊據瑞州協借餉米高安附郭遂至濫倍次年明太祖滅漢老人黎伯安希圖爵賞妾將借徵冊籍膏獻遂為成數時里民平等叩闕陳情太祖以版冊新定未便更改磔伯安于市奉有永不加派之旨

明洪武二十四年高安縣田糧增至一十一萬八千七百六石九斗八升五合

嘉靖二十六年郡守許仁卿憫瑞屬浮賦之苦具申撫院馬會題未允

嘉靖四十二年撫院周按院顧同糧道甄會題江西四疲邑高安萬載居最上高新昌次之

隆慶二年郡守鄧之屏憫瑞州浮糧苦累具詳院司蒙撫院劉按院顧批允會題值院陞任止

詳文載後

萬歷八年里民熊彤等為虛賦久累乞恩申請知縣詹洲郡守周良賓轉詳院司懇為會題

萬歷九年清丈署縣通判金樓奉部文不許輕失原額遂縮弓取盈高民苦之上控

萬歷十三年復丈知縣盧奇因科糧難于合額遂聽奸胥敖夢檀趙庚併早晚上中下六則為一則高民又上控

萬曆十九年里民王乾等叩閭奉旨下部蒙戶部尚書石允撫按司道議清減銀五千餘兩

疏另載後

萬曆二十七年知縣陳天德郡守孟紹慶見高安浮糧累疲有民困已極賦重難堪等事之請各議載後

萬曆三十四年監免主事周御憐高安浮賦難于重科特疏請減舊例銀一萬兩

疏另載後

萬曆四十三年撫院王按院陳特疏為瑞民請命比照陝西上疲事例以高安萬載為上疲准以完及七分給由考滿上高新昌為次疲完及八分考滿奉旨允行疏

另載後

天啟三年高安鄉紳南京太僕寺卿朱吾弼刑部員外

熊茂松工部員外劉曰珩雲南叅政陳儒福建副史陳良材同知孫廷翰通判教祐知州劉文孫熊廷相陳廷策知縣胡維翰吳夢陽鄒嗣藩王世臣王一鶚等以虛賦偏重公同具揭徧陳部科鄉約熊家相里老趙思普生員謝廷芝等各連名具呈時郡守魯史申詳撫院韓公光裕按院田公珍同司道會題

天啟四年蒙戶部尚書李具題奉旨高安舊例准免七徵三水著為令

疏另載後

天啟六年豐城鄉官楊維相妄疏混扯代認遼餉生員朱朝覲塗登榮熊煒張士翹徐上達吳用行熊兆吉廖一賓吳兆鈞傳文鋒等以虛疲苦難加派等事具呈蒙

撫院房按院謝行司會題里民彭維先袁躍等叩閭奉  
旨著從公勘議蒙院司議確得平疏詳議另載後  
崇正三年撫院魏照乘深憐高安浮賦特疏請免時值  
多事未經部覆而止

崇正十三年正月合邑生員袁夢龍吳滙熊夢吉徐昌  
祚吳兆行張書紳熊孟生徐日新劉丹生陳蕃朱王國  
瑾熊兆吉徐德選吳江謹應梅張釗羅璵等鄉約徐學  
諫里遞徐世柏易再興張福生王大興李晉勝何興吳  
紹興等為虛糧重累具呈知縣蔡通詳府道司院蒙撫  
院解學龍按院徐養心俱批守南道察議報督餉兵科  
給事耿批里長同諸生不避雨雪遠涉到此為地方公

事情誠可憫仰候撫按批行繳隨奉守南道行府仰縣  
察議妥確具報知縣蔡國光署府事本府同知楊大名  
分守道署道事驛傳道僉事郭都賢督糧道署道事僉  
事羅起鳳各具看詳轉申兩院

崇正十五年六月蒙按院徐會同撫院劉宗祥具疏奏  
題本年八月十一日奉旨徵派從實糧起科法亦便民  
該部速與議覆八月二十日蒙戶部尚書傳覆題九月  
初一日奉旨這高安糧額著該撫按徹底清釐一應徵  
派從實糧起科毋致虛累仍榜示通知蒙部咨兩院行  
知在案未幾國變中止疏另載後

國朝順治二年八月高安士民胡士璉李芳時徐世栢陳

雲等同上新士民李士麟蔡鈇等具呈三百年浮賦苦累亟懇

新恩蚤賜題豁蒙招撫部院孫按院吳會題

順治九年正月高安生員陳文遼程焄胡惟聖徐邁陳九疇毛豐吳兆邁等耆民晏士遠喻汝俊李普勝等為虛糧極苦偏累等事具呈蒙撫院夏一鶚批仰巡南道確查報按院張嘉批布政司會同督糧道確議報督糧道張沂批高安地狹而糧重始于老人之妄報繼以舊撫之題減炳然有據何以近來復仍舊徵以致連年積欠徒有其名若不急究根源通詳題改以甦活萬姓將見益深益熱矣事關百年民命毋得緩視仰高安縣速

查詳報本月二十八日奉本府紙牌奉巡南道安紙牌轉行查議到縣隨經具文轉詳郡守孟命世批候轉詳行繳軍廳孟元批高安土瘠民貧虛糧重累已極正司民牧者所宜涕泣而道之時也據詳亦覺詳盡仰候院司道府行繳布政司盧震陽批細閱來詳虛增相沿久矣不經咨題難以擅減仍候兩院詳示定奪繳右布政莊應會批筠陽浮賦之累貽害久矣今

聖主當陽亟宜請命仰候兩院批行繳署按察司驛傳道蕭應

聘批

新恩浩蕩方將優恤以甦重困何獨高安受此虛糧之累耶既經查覈委宜減編仰候兩院批示行繳守南道遲日震

批虛糧苦累民何以堪仰候院司批示行繳巡南道批  
虛賦累民已洞悉之矣亟宜議豁仰候院司批示行繳  
督糧道帶管提學道張批高邑浮賦倍重民病久矣正  
宜急急請

命候院司會議題豁繳按院復批布政司覆核蒙司道備述顛  
危痛陳始末具文申詳蒙按院批候咨題繳撫院批候  
會題繳

順治十年二月右布政司莊應會巡南道安世鼎入覲

奉

世祖章皇帝諭令首領官如有地方利弊聽各官具奏莊安二  
公洞知高安虛賦苦累遂併上新二縣同袁州一府積

弊重困于二月二十八日具本題奏三月初三日奉

聖旨著詳察確議具奏該部知道四月二十一日部覆二十三  
日奉

旨依議行江南江西督院馬國柱江西撫院蔡士英行司道轉  
行府縣士民備陳浮糧巔末蒙司道轉詳九月十五日  
撫院蔡覆題十月二十七日奉

聖旨著議奏該部知道順治十一年三月初四日戶部覆題奉  
聖旨這浮糧積久重困一方應從原額清汰著該督撫飭該府  
縣官確遵減免毋得踵弊混徵有辜德意蒙

部咨院司飭行府縣榜示通知併諭勒石載志  
順治十一年高安田賦遵

高安縣志

卷之五

旨汰減淨糧六萬一千四百八十八石四斗六升一合六勺實  
徵宋元額糧五萬七千二百一十八石五斗二升三合  
四勺

按明洪武間田糧載前天順間課畝二萬三千一百七  
十五頃八十一畝七分稅糧一十一萬八千七百九石  
七斗六升宏治正德間課畝二萬三千一百七十五頃  
八十九畝稅糧一十一萬八千七百九石八斗八升  
萬歷三十八年課畝二萬三千六百一頃二十五畝七  
分九釐二毫稅糧一十一萬八千七百零六石九斗八  
升五合

國朝順治初與明萬歷年同

順治十一年奉

旨清汰淨糧

原額一則田九千伍百二十五頃七畝二分八釐

原共編銀五萬三千二百六十七兩七錢六分

汰淨減銀外實共編銀二萬五千六百七十五兩二錢

三分三釐八毫

原共編米五萬六千六十七石八斗二升八合六勺九

抄

汰淨減米外實共編米二萬七千二十四石八斗六升

二合五勺四抄

一原額一則地二千六百二十四頃八十六畝四釐

高安縣志

卷之五 畝課

七

原共編銀五千三百九兩二錢二分九釐

汰浮減銀外實共編銀二千五百六十兩九錢四分二

釐九毫一絲

原共編米五千二百五十七石九斗四升四合四勺九

抄

汰浮減米外實共編米二千五百三十六石二斗六合

四勺九抄三撮一圭

一原額二則地一百一頃五十六畝九分八釐

原共編銀五十五兩二錢三分二釐九毫

汰浮減銀外實共編銀二十六兩六錢六分五釐三毫

原共編米六十三石三斗八升二合五勺

汰浮減米外實共編米三十石五斗九升九合六勺七

抄

一原額一則山四百四十三頃九十六畝九分

實共編銀三兩一錢三分五釐

一原額二則山一萬六百五十七頃四十六畝四分

原共編銀五十三兩二錢八分七釐四毫

汰浮

按高安之山悉係童禿不毛故止編鈔銀絲微不與他

邑有物產者同派

一原額一則塘六十頃九十二畝七分四釐七毫

原共編銀三百四十八兩二錢二釐二毫

高安縣志 卷之五  
汰浮減銀外實共編銀一百六十七兩八錢三分三釐  
四毫

原共編米三百八十石二斗五合八抄

汰浮減米外實共編米一百八十三石三斗五升八合  
八勺六抄

一原額二則塘七十一畝六分五釐二毫

原共編銀二兩一錢八分四釐

汰浮減銀外實共編銀一兩五分二釐七毫

一原額三則塘一百八十六頃六十七畝七分九釐四  
毫

原共編銀五百五十九兩二錢九分八釐五毫

汰浮減銀外共編銀二百六十九兩五錢八分八釐一  
毫七絲

原共編米五百八十二石四斗六升二合二勺四抄

汰浮減米外實共編米二百八十八石七斗五升一合四

勺八抄二撮一圭

原額官民田地山塘二萬三千六百一頃二十五畝七

分九釐三毫

節年新生陞科田地塘二頃一十八畝二分九厘五毫

乾隆十五年分新生陞科山地七十七畝六分四厘三

以上實在成熟田地山塘共二萬三千六百四頃二十

一畝七分二厘八毫

原額漕糧正副耗米共六萬二千三百五十一石八斗  
二升三合順治十年汰減浮糧正副耗米三萬二千二  
百九十八石零五升九合七勺實編米三萬零五十三  
石七斗六升三合三勺卽年首墾額外新增二百二十  
六石七斗五升六合五勺

以上實在應徵正副耗米三萬零二百八十三石一斗  
四升九合三勺實合民糧四萬八千一百六十五石  
七升四合五勺

原額應徵田地山塘銀二萬八千七百五十八兩四錢  
一分七釐人丁銀兩康熙五十二年欽奉

恩詔永不加賦乾隆五十二年分奉文隨糧帶徵丁銀三千

零七十兩一錢五分一厘外田產下增徵本色物料時  
價併歸入起運核減價銀四十四兩六錢五分六厘增  
匠班正脚銀二百四十九兩乾隆四十八年奉文起解  
顏料款內核減銀一分九厘免徵起解

以上實共額徵起存正雜等項銀三萬二千一百二十  
二兩六錢八分五厘遇閏年加徵三百六十五兩零八  
厘

一折色起運戶禮工三部原額銀三萬四千八百八十二  
兩六錢八分內原

題減浮銀外實徵一萬五千六百七十二兩三錢一分四  
厘

一改抵兵餉銀一萬四千一十六兩八錢二分七厘

會議裁解銀六百一十三兩六錢

匠班改歸地糧銀二百四十九兩四錢八分

本折色時價及核減原價正脚共銀四十四兩六錢五

分七厘

先後奉裁官役俸工雜支驛站等款銀四千二百八十

一兩七分六厘

外扣解不准紳衿優免丁糧銀一百六十七兩四錢四

分三厘

共額銀一萬九千三百七十三兩八分三厘

減浮外實徵銀九千六百一十兩四錢二分

通共三部并裁解各款共額銀五萬四千二百五十五

兩七錢六分三厘內原減浮銀二萬六千九百九十五

兩九錢五分七厘

原逃亡銀一千九百七十七兩七分二厘

節年抵補逃亡并額外新增共銀八百九十二兩五分

二厘

實徵銀二萬六千一百七十四兩七錢八分六厘內除

人丁攤派有糧屬縣應減徵銀二千四百七十四兩五

錢八分三厘辦解本色物料銀三十六兩六錢四分八

厘原編歸入存留驛站項下銀九百四十五兩四錢八

分外

實解起運地丁銀二萬二千一百二十兩九錢六分四厘  
過閩加銀一百五兩八錢九分二厘

脚耗銀三百七十四兩六錢三分二厘  
過閩加銀五錢三分三厘

起運折色物料正墊脚銀二百二十二兩四錢七分九厘

一現辦本色物料

甲字庫

銀硃一十二觔

每觔價銀四錢六分該銀五兩五錢二分鋪墊銀一兩三錢二分水脚銀一錢五分四厘五毫六絲

共銀六兩九錢九分四厘五毫六絲

添辦銀硃二十六觔

每觔價銀四錢六分該銀一十一兩九錢六分鋪墊銀二兩八錢六分水脚銀三錢三分四厘八毫八絲  
共銀一十五兩一錢五分四厘八毫八絲

又添辦銀硃二十六觔

每觔價銀四錢六分該銀一十一兩九錢六分水脚銀三錢三分四厘八毫八絲

共銀一十二兩二錢九分四厘八毫八絲

五梘子四觔八兩

每觔價銀三分五厘該銀一錢五分七厘五毫鋪墊

銀四分九厘五毫水脚銀四厘四毫一絲

共銀二錢一分一厘四毫一絲

添辦五倍子七觔九兩一錢二分七厘

每觔價銀三分五厘該銀二錢六分四厘九毫六絲

五忽三微一纖二沙五塵水脚銀七厘四毫一絲九

忽二纖八沙七塵五埃

共銀二錢七分二厘三毫八絲四忽三微四纖一沙

二塵五埃

丁字庫

桐油三十五觔一十二兩

每觔價銀三分該銀一兩七分二厘五毫鋪墊銀二

錢八分六厘水脚銀三分三絲

共銀一兩三錢八分八厘五毫三絲

改辦桐油八觔八兩四錢五分

每觔價銀三分該銀二錢五分五厘八毫四絲三忽

七微五纖鋪墊銀六分八厘二毫二絲五忽水脚銀

七厘一毫六絲三忽六微二纖五沙

共銀三錢三分一厘二毫三絲二忽三微七纖五沙

以上本色物料正墊脚共銀三十六兩六錢四分

八厘

一本色起運漕糧

原額兌軍價運正米二萬九千一百九十石

汰浮減米外實徵米一萬四千七十石八斗九升八合二勺

原額淮安倉改米九千三百六十九石一斗

汰浮減米外實徵米四千五百一十六石三斗二升八合九勺

原額兌軍并淮安倉副米二萬四百三十六石三斗二升三合

汰浮減米外實徵米九千八百五十一石二斗三升四勺

原額腳耗米三千三百五十六石四斗

汰浮減米外實徵米一千六百一十七石九斗四升八

合七勺

以上本色漕糧共米六萬二千三百五十一石八斗二升三合

汰浮減米外實徵米三萬五十六石四斗六合二勺

一隨漕各項銀數

原額兌軍三十六輕費銀五千二百五十四兩二錢

汰浮減米外實徵銀二千五百三十二兩七錢六分二厘

原額淮安倉二升折銀九十三兩六錢九分一厘

汰浮減銀外實徵銀四十五兩一錢六分三厘

原額蘆蓆板木銀二百六十四兩四錢八分八厘

汰減浮銀外實徵銀一百二十七兩四錢九分五厘  
原額脚耗銀三十三兩六錢七分四厘

汰減浮銀外實徵銀一十六兩二錢三分三厘

原額協濟各衛所漕運旗軍月糧倉米銀一千六百五  
兩

汰減浮銀外實徵銀一千一百九十四兩二錢二分九  
厘

原額淺船銀三百四十五兩八錢

汰減浮銀外實徵銀八十四兩二錢六分七厘

以上隨漕項下共銀七千五百九十六兩八錢五  
分三厘

汰減浮銀外實徵銀四千兩一錢四分九厘

一水脚銀兩原因各屬運米赴省及備倉兌衛等項之費  
順治十三年限定正副耗米一石徵銀三分十八年因  
縣丞羅國紳之請增至五分乾隆十五年改為官收官  
解每正副耗米一石帶徵贈耗銀七分零八毫後於乾  
隆三十一年奉部咨議備倉增貼銀六兩零七錢八  
分四毫照米派每石增二厘又于三十六年增辦松板  
價銀一百零八兩三錢四分二厘每石增至七分六厘  
三毫九絲五忽二微八纖五沙五十六年奉文停辦松  
板免解三十餘兩每石徵銀七分五厘零為贈軍分升  
斛面并修倉鋪墊舡夫挑夫扒夫等項一切費用卽年

按款解給造冊奏銷

附便水

高邑幅幘百里為都四十有六二十八九兩都村近燕溪

太傅朱文端桑梓之地也康熙五十年文端

予告歸里以裕

國愛民之心籌安上全下之計呈之當事條銀不必守匱分為四限依限清完米則民收便水裝運來城對船交兌准行在案永為定例至書吏紙張飯食工費悉從部頒定數不得增損行之數十年官無比校之勞民無追呼之擾上下稱便百世利賴焉

一解給各衙門經費

本府知府項下

俸銀一百五兩

門子二名工食銀一十一兩八錢

馬快十名工食銀五十九兩

步快一十六名工食銀九十四兩四錢

皂隸一十六名工食銀九十四兩四錢

轎傘扇夫七名工食銀四十一兩三錢

庫子四名工食銀二十三兩六錢

以上知府項下俸食共銀四百二十九兩五錢  
本府儒學項下

教授一員俸銀四十五兩  
訓導一員俸銀四十兩  
共銀八十五兩

齋夫二名工食銀二十四兩

門子三名工食銀二十一兩六錢

本縣知縣項下

俸銀四十五兩

門子二名工食銀一十一兩八錢

皂隸一十三名工食銀七十六兩七錢

件作二名學習件作二名工食銀一十七兩七錢

馬快八名工食銀四十七兩二錢

民壯三十名工食銀一百七十七兩又增給置備器

械銀六十兩共銀二百三十七兩

看監禁卒八名工食銀四十七兩二錢

轎傘扇夫七名工食銀四十一兩三錢

庫子四名工食銀二十三兩六錢

斗級四名工食銀二十三兩六錢

又府倉改歸縣倉斗級六名工食銀三十五兩四錢

以上知縣項下俸食銀共銀六百六兩五錢

本縣縣丞項下

俸銀四十兩

門子一名工食銀六兩

皂隸四名工食銀二十四兩

馬夫一名工食銀六兩

以上縣丞項下俸食共銀七十六兩

本縣典史項下

俸銀三十一兩五錢二分

門子一名工食銀六兩

皂隸四名工食銀二十四兩

馬夫一名工食銀六兩

以上典史項下俸食共銀六十七兩五錢二分

本縣儒學項下

教諭一員 訓導一員

俸銀各四十兩共銀八十兩

齊夫三名工食銀三十六兩

門子三名工食銀二十一兩六錢

以上儒學項下俸食共銀一百三十七兩六錢

本縣灰埠巡檢項下

俸銀三十一兩五錢二分

皂隸二名工食銀一十二兩

以上巡檢項下俸食共銀四十三兩五錢二分

一辭布政司支用銀數

布政司理問所禁子工食銀八十兩

以上辭司項下銀八十兩

一辭本府支用各項銀數

府學廩生四十名廩糧銀八十兩

遇閏加銀六兩六錢六分七厘

府文廟朔望香燭銀一兩八錢

遇閏加銀一錢五分

府歲貢酒禮銀五兩

以上解府項下共銀八十六兩八錢

遇閏加銀六兩八錢一分七厘

一存留本縣支給各款銀數

縣學廩生二十名廩糧四十兩

遇閏加銀三兩三錢三分三釐

縣文廟朔望香燭銀一兩八錢

遇閏加銀一錢五分

春秋祭祀銀一百三十一兩三分一毫六絲內

府文廟祭銀三十八兩四分四厘四毫

崇聖祠祭銀六兩

名宦鄉賢二祠各祭銀二兩一錢一分三毫四絲

龍王廟祭銀八兩五錢

縣文廟祭銀四十一兩二錢四分四厘四毫

崇聖祠祭銀六兩

名宦鄉賢二祠各祭銀二兩一錢一分三毫四絲

忠義節孝二祠各祭銀二兩

社稷壇祭銀八兩

山川風雲雷雨城隍壇祭銀八兩

郡厲壇祭銀十兩八錢

府學文廟祭祀不敷于公項內增添銀八兩

備祭

關帝品儀銀四十兩

春冬鄉飲酒禮銀一十五兩

優獎節孝善人銀一兩

縣歲貢酒禮銀二兩五錢

起送科舉遺才會試舉人酒席卷資路費等銀二十兩

考貢路費旗匾花紅禮儀等銀二十兩乾隆二年奉文

提解司庫均勻核給

賀新中進舉禮儀等銀二十兩乾隆十二年奉文提解

司庫均勻核給

孤貧一百二十名糧布銀四百三十二兩過閏加銀三十六兩

灰埠巡檢弓兵六名工食銀一十兩八錢過閏加銀九錢

荅應厨役六名工食銀八兩八錢五分過閏加銀七錢五分

改編吹鼓手八名工食銀三十九兩三錢三分三厘四毫

過閏加銀三兩三錢三分二厘八毫

以上存縣項下共銀七百八十二兩三錢一分四厘

過閏加銀四十四兩四錢六分六厘

以上自知府起至吹鼓手止共銀二千四百四十

兩三錢五分四厘

一 驛站項下

原書編載裁遞夫工食銀二百一十六兩差馬工料銀

一百四十四兩馬夫工食銀二十一兩六錢共原歸解

道今改解按察司銀三百八十一兩六錢遇閏裁銀三十一兩八錢

見存走遞人夫八十名工食銀八百六十四兩遇閏加銀七十

二兩

差馬二十五疋工料銀七百二十兩遇閏加銀六十兩

馬夫七名工食銀七十五兩六錢遇閏加銀六兩三錢

舖司兵六十二名工食銀四百四十六兩四錢遇閏加銀三十

七兩二錢

應付廩給口糧銀二十兩

解按察司支給水驛紅座等船水手工食銀

銀四百二十兩

以上驛站項下共銀二千九百二十七兩六錢內

裁歸解司銀三百八十一兩六錢遇閏裁銀三十一兩八錢

存留本縣支解銀二千五百四十六兩遇閏加銀一百七十

五兩四錢

再錢糧于乾隆五十二年奉文統征全數解司

附載

起運

一 田房稅契 原無定額例係儘收儘解

當稅銀四十兩

牛稅銀八兩一錢

牙稅銀一百兩

茶課銀九兩三錢

紙價銀二錢六厘四毫六絲

以上共銀一百五十七兩六錢六厘四毫六絲

此銀編徵如有增減據實報解

存留

一漕糧官徵官解全書原無額編脚耗銀奉准

部文刊入由單內每正改米一石編徵贈耗銀三分

共銀五百五十七兩六錢一分七厘印官徵收為免

漕給軍之用

附載分徵

南昌前衛

原編完賦屯丁八十七丁 每丁編銀一錢二分四厘九毫二絲三忽五微一纖

計編銀一十兩八錢六分八厘三毫五絲

南昌左衛

原編完賦屯丁五丁 每丁編銀一錢二分四厘九毫二絲三忽五微一纖

計編銀六錢二分四厘六毫

以上二衛屯丁銀兩業於雍正五年奉文攤派

有屯糧屬縣帶徵

外南昌前衛

盛世滋生屯丁七十三丁

南昌左衛

咸世滋生屯丁一百二十七丁俱遵

恩詔永不加賦 其屯丁于乾隆三十七年奉文停止編審

修德社大銀二千四百六十二

德安社大銀二千五百一十二

南宮社大銀一千八百六十八

上社大銀一千四百六十八

德安社大銀一千八百六十八

德安社大銀一千八百六十八

歲調

順治二年內院洪題蠲錢糧

每石止徵銀一錢八分八厘一毫九絲三忽二微

每丁止徵銀五分一厘七毫

順治三年 按撫院吳題免旱災十之五

每石止徵銀二錢一分四厘三毫四絲四忽

時糧則每石四錢三分零四毫六絲

每丁止徵銀五分六厘七毫二絲五忽

每石止徵米三斗一升二合一抄四撮五圭四粟

順治六年 按撫院王題准荒蕪田

無主荒田七百八十六頃三十畝二分三厘六毫四絲

有主荒田七千三百八十一頃四十八畝九分四毫二絲

無主荒地九十七頃一十畝六分八厘一毫五絲  
有主荒地三百二頃六十九畝二厘七毫四絲

以上俱六年後陞科

順治十六年撫院張題免旱災十之三

每石止徵銀四錢八分五厘三毫二絲九忽全完者抵  
下年

康熙元年撫院董題免旱災十之三

每石止徵銀四錢六分五厘二毫八絲全完者抵下年  
十一年撫院董勸報蠲賑

十七年撫院佟勸報蠲賑

二十八年撫院宋勸報蠲賑

乾隆十一年欽奉

恩詔蠲免地丁錢糧高安輪值十三年蠲免

乾隆三十一年欽奉

恩詔蠲免漕糧高安輪值三十三年蠲免

乾隆三十五年欽奉

恩詔蠲免地丁錢糧高安輪值三十六年蠲免

乾隆四十三年欽奉

恩詔蠲免地丁錢糧高安輪值四十四年蠲免

乾隆四十三年欽奉

恩詔蠲免漕糧高安輪值四十八年蠲免

乾隆五十五年欽奉

恩詔蠲免地丁錢糧高安輪值五十七年蠲免

乾隆五十九年欽奉

恩詔蠲免漕糧高安輪值嘉慶四年蠲免

乾隆六十年欽奉

恩詔蠲免地丁錢糧高安輪值嘉慶三年蠲免

嘉慶八年撫院張勘報奉

旨緩徵四分之一其三分作三年帶徵

謹按自則壤成賦以來夏之貢殷之助周之徹皆取什一于南畝以供國用歷代因之蠲緩之典周秦以前無

聞惟漢文帝魯詔除租稅此後自東漢以迄元明幾二

千年間世一舉我

朝

列聖相承重熙累洽所以

加惠黎元者至優極渥百數十年中減除浮額豁免積逋因災

傷而隨時蠲緩

湛恩汪濊紙不勝書

高宗純皇帝御極六十年普免天下錢糧五次漕糧三次俾藏

富於民共享豐盈之福尤為曠古未逢之

盛典

深仁厚澤豈止溥被一時直永延於億萬斯年矣

四

富林... 五豐... 之... 朱... 之...

五

富... 之... 朱... 之...

六

富... 之... 朱... 之... 中... 之... 朱... 之...

七

富... 之... 朱... 之...

倉帑

漢唐之世郡縣倉分其倉制本無可考即宋元之世亦僅存其名

宋制

郡縣俱置常平倉贍軍倉義倉社倉今失考

元制

有際留倉在縣側今失考

明制

隆慶四年知府鄧之屏設立義倉于府前備賑民德之自為之記今廢

預備倉在布政分司右廳三間東西各五間即今縣倉

高安縣志

卷之五 倉帑

三

瑞豐倉在預備倉右舊在府學後明正德八年併其廢址于學移建今所崇正間改守備營餘東十二間即今府倉

國朝

一常平倉一所建設縣治新市鋪原額穀二萬二千石乾隆四十年奉文出陳易新增添息穀四百八十石共穀二萬二千四百八十石

一社穀一千三百五十八石八斗四升四合向係社正副經理乾隆三十二年奉文飭將各廂區都苗息穀變價捐修倉廩一所建立遠中地方以資積貯共計四廂十四區建社倉十五所亦係社正副經理

一征收漕米倉在進龍池右舊兵備道署基順治十三年建廳三間東三十間西三十一間先是漕米無倉當年經里臨河交納收差船戶互相侵蝕繼設斗給租民房收貯遷移莫定弊竇愈增是年紳士徐遷徐珩胡惟聖陳九疇里耆涂邦循等條議各廂都自願捐貲建立倉廩當年漕米官收官解經里看倉搗斛前弊遂革其相沿一切陋規槩行禁止

水次倉在河口象牙潭西平山上原買新建民人夏姓地置倉于上每歲免淮漕米于此交兌軍民胥便明宏治十七年後改免涇江吳城等處今廢起運水次倉在省城德勝門外定有歲修經費

倉基左新建倉



府陶履中葺之凡養于院者月支米三斗柴薪錢六十  
文歲給棉苧布各一疋今如前

高安縣志卷之五

減浮疏呈

隆慶二年瑞州府知府鄧之屏申詳

撫文

瑞州府為衝劇疲郡糧役重繁乞賜題請比例平減以  
速催徵以蘓困乏事卑職才識凡下世故未諳叨荷國  
恩擢受民牧隆慶元年十月內循例應朝奉吏部明文  
令來朝官員各陳地方利弊而賦役繁重無如瑞州為  
最擬疏奏聞時以查例未明未敢瀆奏茲已復任詳查  
地方利弊業將具疏擬奏未行間本年四月十一日奉  
按察司帶管分守道僉事嚴劄付奉巡撫都御史劉案  
驗議行一條鞭法比正法制維新之會疲民蘓困之日

也謹將本府屬糧後陳之切昭瑞州府所轄三縣界在南昌袁臨之間地方幅員未及五百餘里舊志錢糧宋元舊額高安縣五萬七千二百一十八石有零上高縣三萬五百三十六石有零新昌縣三萬七千九百八十七石有零國初老人黎伯安希圖爵賞冒以偽漢劉伍借協倍徵正副米數上獻太祖高皇帝旋因奏發肆伯安於市洪武十四年差官丈量田地誤以倍數均攤故在高安縣增至官民米一十一萬八千七百六石九斗八升五合上高縣增至四萬九千七百五十七石八升三合六勺新昌縣增至五萬六千八百八十八石六斗五合七勺遂為定額上新比舊額加增三分之一而高

安加增則一倍以外比二縣為尤重職今以高安一縣論之應可以例二縣焉查得高安縣水田早晚肥瘠不等計畝起科大約一斗七升計六畝已載民米一石布政使司派議全折銀七錢四分有零秋糧之外又加機兵水夫馬驛之派十年之內又增均徭里甲弓張之編揆之每年民糧一石正耗各增雜辦共納銀一兩有餘矣及查畊作每畝獲稻不過二石計六畝不過十二石而收租不過六石僅值銀一兩二三錢耳計其所入不足以供其所出較之他郡之起科實為極繁且重矣高安困乏此其一焉又炤錢糧為國家之重務催科乃有司之常政高安地既窄而糧偏重民益貧而弊愈滋舊

例高安派與豐城進賢奉新靖安武寧寧州上高新昌等九縣共為一則夫九縣之田土人戶廣狹未必不同而九縣之錢糧差役繁簡大相懸絕進賢止官民糧四萬八千一百有零靖安止官民糧一萬四千二百有零寧州止官民糧三萬一千三百有零高安獨官民糧一十一萬八千二百有零錢糧非止加多一倍而派數豈宜共為一則况高安畜之虛糧以數十計都之虛糧以數百計縣之虛糧以數萬計適年因糧編差無所拘着乃令甲首賠贖甲首逃絕里長賠贖負累之久亦皆歸于逃且絕而已高安困乏此其二焉職再炤高安地方磽薄石重土輕既無竹木以收山原之利又無桑麻以

助衣食之需一望百里盡皆光禿畊犁所得稻粱幾何且舊南北二鄉在南北地形低窪遇澇則極望巨浸在此地勢高峻遇旱則赭土如焚以此災沴相仍小民一貧徹骨欲傭工於人難遇興作之家欲求活於外則乏負販之本物產既無所出生業又無所資是不可不為之流涕也高安困乏此其三焉夫高安土產若是其薄而高安糧役若是其重是以居民鮮樂生之心而治境多荒蕪之地逃移遠徙戶口耗矣刀劍公行盜賊熾矣爭鬪不息訟獄繁矣職等多方招撫而竟不能挽其畏役避逃之心加意緝捕而竟不能奪其求衣食之願悉心剖斷而竟不能消其告訐圖利之趨亦其勢使然也

高安困乏此其四焉凡此大端具載冊籍圖志非敢欺罔而妄陳者也是故每歲徵收稅糧雖巨族望姓尚不能取盈於一舉弱戶殘丁又豈能順命槩輸蓋小民之租出于田國家之糧起于租田窄則租無所出租少則糧無所辦百凡起解之期盡落各郡之後十件常拖四五正數又欠畸零蓋不獨秋糧一事如此所有一應官民糧差莫不皆然鞭撻徒嚴逋負猶在遠查近考百數十季在官無完解之案在下皆拖欠之家此職等目擊民艱不得不懇于憲臺之前者也職請同比例言之竊聞袁州府宜春縣在昔錢糧亦稱繁重嘉靖二十六年該府知府張任具申巡撫都御史馬嘉靖三十八年該

府知府季德甫具申巡撫都御史何先後查議減重派輕每糧一石派銀四錢八分有零著為定例由是病革利興一勞永逸彼民賴之况高安錢糧數倍于彼縣者乎職又即江西一省民糧言之南安贛州廣信三府二十二縣地廣數千里共止載官民米二十六萬以高安之地不及三府二十分之一而高安之糧已胥三府二十分之半矣寧州地廣四百八十餘里止載官民米三萬一千三百有零以高安較之將四倍于寧州矣撫州府臨川金谿二大縣地廣幾千幾百餘里共止載官民糧十萬有零較之高安之糧已抵臨川金谿之數矣况四府一州田俱膏腴每糧一石收租一百餘石且有山

原之利助納糧差是以民多富庶糧少逋負高安地窄糧多反將上等科派是以富者貧貧者逃市無中人之家鄉無上農之戶終日忍飢而爨無宿火常年衣纓而身無完膚每遇催徵則鬻子女而痛楚之聲盈耳變易產業而哀鳴之態難堪此職等拊心太息而不能一日安乎其位者也如蒙軫念高安殘黎極苦或照宜春縣之減派或將四府一州地方均派或將高安舊額五萬七千二百有零同九縣均派餘浮糧六萬一千四百八十餘石免派允准賜納輕贖庶高安生民有可活之路也再照上高新昌二縣地僅一隅糧俱五萬有餘視之舊額亦復加增風俗既多頑梗差役益見煩難百姓困

乏大約與高安相同所當併行議處減派者也伏乞憲臺念壤地之褊小擴公晉之洪庥詳原委困乏定輕重則例庶幾賦稅可完戶口可復而職等曠官之罪藉之可逭矣緣係疲郡糧役重繁事理合行申請轉題伏候憲臺亟賜裁奪施行奉兩院批糧守道會議將黎伯安妄報偽漢倍徵副米免派允准准納輕贖其高安免派米數候酌議具題

萬歷十九年高安里民請免浮糧疏

里民王乾等為賦稅偏重比例懇恩改則以甦民困事乾等頂戴堯天謳歌舜日非有切骨痛楚不敢冒干天聽高安幅員不過百里山多田稀自唐宋額載糧米五

萬七千二百一十八石瘠土所產僅足供輸餉因國初  
老人黎伯安希圖爵賞以陳友諒守將劉伍借協餉米  
六萬一千四百八十餘石進獻遂為成數至一十一萬  
八千七百餘石入冊當差時里民平等具疏叩闕奉  
旨永不加派磔伯安于市以版冊初定未允遽改因循  
迄今及行條編有司又不查虛增糧米註為上則歲派  
兌准七萬餘石銀米兼徵十萬有奇民命日窮賠敗甚  
苦屢告院司未得上聞至隆慶二年本府知府鄧之屏  
目擊艱危稽查冊志具申撫按議將原額實糧照舊派  
則其借協虛米免派兌准改納輕賫候題在卷奈官遷  
吏易文案沈閣未經奏請頃值四歲凶荒民疫疊見老

弱者橫斃道路少壯者投奔他鄉田業拋荒十室九空  
勢迫焚溺痛切心髓且國初編戶三百零一里今止存  
二百餘里其遞減已十之四五小戶貧民漸覺狼狽若  
隱忍再踰數年益不可支矣矧本縣土地原不及別縣  
之半並無竹木桑麻之利惟靠田禾度活雖豐稔之歲  
每田一畝僅可收稻一石除完兌米糧差外剩不過二  
三斗嗷嗷家口終歲勞苦盡皆仰給于此尚難全贍如  
遇旱澇則赤野焦燎盈川泛溢糶糶無門枵腹待斃以  
致逋負積累有司追徵不前疊經叅罰窮民忍受箠楚  
困厄囹圄念之寒心蓋輕重不均如贛州十縣糧止六  
萬南安四縣糧止二萬廣信六縣糧止八萬建昌四縣

糧止六萬九江五縣糧止三萬南康四縣糧止四萬以  
上三十三縣共糧二十九萬高安彈丸之地糧至一十  
一萬八千七百有餘若各縣起科每畝五升或六升七  
升高安起科重踰一斗以外地里相連派則迥異又如  
袁州四縣奏改輕費每石止納四錢南昌新建呈減免  
軍每石全納六錢貴溪玉山等縣俱止五錢定南宜黃  
並止三錢以上縣邑地肥民裕科則止此又無兌米高  
安銀米兼徵每石全派七錢五分外有協濟南昌倉米  
等項乃血淚未乾膏脂復竭泥塗未出苦海更深四顧  
徬徨羣黎嗟嘆伏望陛下大賜矜憐恩頒浩蕩勅下戶  
部咨行撫按衙門督責司道府縣從公裁酌如果殘疲

可憫乞將原額實糧五萬七千二百餘石比照稍輕縣  
分派則起科其劉伍虛增餉米比照袁州四縣改納輕  
費庶國課之定規不失而小民之徧累得均瘠土凋疲  
樂遂更生之願流亡殘命復興歸業之思億兆啣環生  
靈幸甚為此激切連名具本親賫謹具奏聞奉旨戶部  
知道欽此欽遵隨奉本部咨行撫按兩院備案行司會  
同糧儲守巡道議妥詳報相應呈請咨部以便題覆萬  
歷二十一年五月初九日蒙戶部覆題為賦稅偏重比  
例懇恩改則以甦民困事江西清吏司案呈奉本部送  
准巡撫江西都御史邊咨又准都察院咨送巡按江西  
御史陳呈同前事等因到部通送到司案查萬歷十九

年六月內該江西瑞州府高安縣民王乾等奏前事已  
經呈堂移咨江西撫按查勘去後今該前因案呈列部  
看得巡撫江西都御史邊咨稱會同巡按御史陳查勘  
得高安縣土瘠民貧糧額偏重小民累苦今據司道着  
議將該縣協濟南昌倉米銀一千九百二十六兩歸還  
該府屬縣及將南昌府屬縣原編上司公費照數改派  
通省各縣及將高安縣原派四司料銀一千兩與四差  
均徭各衙門夫皂隸柴馬禁子工食銀一千一百五十  
五兩二錢通融散派槩省各縣每石僅增毫釐而高安  
得蒙輕省之惠及稱新安衛改兌江省漕糧歲省過江  
湖船銀一千六百一十餘兩在高安該銀一千五百四

十餘兩原係省兌所議濟邊數亦不多俯從蠲豁餘銀  
七十二兩有零仍于別縣徵解各一節為照高安一縣  
土狹民貧糧額果屬繁重輸納極費調停是以縣民王  
乾等有此具奏既經撫按官會行司道酌議緩急通融  
改派于糧賦無虧據公私兼便咨議前來相應題請恭  
候命下本月十二日奉旨這所議係一縣錢糧均派通  
省果否人情相安還行與撫按官取具各府縣公結具  
奏

萬歷二十七年郡守孟紹慶條議

一申請破格改折漕糧議

瑞州府知府孟為民因已極賦重難堪謹陳末議乞賜

破格俯從以解倒懸以逭尸素事竊惟守令為親民之官為其子視吾民也子有飢寒疾痛父母方泄泄然不圖所以生養安全之是父母而路人矣安用此行汚寄治醜顏糜祿為也府屬高安縣土硠力屈賦重則偏閭井赤貧烝黎痠瘠往歲民人王乾等赴闕告哀其情之迫切畧可睹已爾時院臺司道欲藉通省之力稍寬一邑之疲故有散派各銀之咨主上恐緣一邑之糧致滋通省之擾故有取結具奏之旨夫頻年豐稔不報所在而貧誰能釋組代庖此事之不期寢而寢耳顧盲聾不以無見而能一日忘視蹊鑿不以窘步而能一日忘行該本府到任之初相率告甦者幾滿堂下哀號百狀慘

弗忍聞問其田沙土相雜畊不能深俗召佃作其業主歲收畝可一石二斗公租私債俯仰婚葬皆在其中閭其產桑麻竹木菱芡餘利皆涖而生問其賦每畝額載官米一升六合零民米九升四合零是一畝兼二畝之征厥田下下厥賦上上蓋江省之所未有者民生促而逋負多厥有由矣當各諭令歸農審受其父老徐倫等二詞大約謂高安唐宋以來誌載額糧五萬七千二百餘石緣國初老人黎伯安以陳友諒借協餉米之數合併總獻遂虛增至一十一萬八千七百餘石嘉靖年間法始條編坐派江省兇軍正米四十萬石司計者分省縣為七則不察高安糧多之故而徑定以上則之科至

每糧一石派兌二斗九升零其與他縣輕重懸絕意欲平則以示同仁等情夫始也併借協為成數既已火熱而水深繼也據虛增為上則又復助深而益熱兼以邇者饑疫相仍公私愈窘無惑乎民情洶洶狂趨而不止也第如均兌之說則減此而增彼匪平也寬一而動百匪靜也總之往歲之故智終為滯礙而難行近奉撫臺頒給明職一書內知府一欵開所屬州縣有一失所之民不妥之事不能安輯而處置之不得謂之完府必萬井之黎民灑灑雨潤乃稱知府之職夫事不妥而民失所無如高安揭壁三復媿汗浹背朝夕焦勞計無所出欲求雨潤以回枯槁舍改折漕兌其道無繇矣冊查高

安兌米有二其淮安改兌則若稍輕烙舊徵納無容別議唯趨運兌軍正米凡二萬九千一百九十石而副米脚耗且至一萬八千三百八十九石零隨運輕齎蔀板過江湖等銀且至六千六百六十五兩九錢零若小民盤剥水次與軍人勒索加增費復不貲焚焚無倚之民方坐水火何以任此卷查漕規每遇災傷年分免軍正米一石准折銀五錢高安以虛增之糧至六萬餘石浮于正額故雖大豐之年僅可當他邑之半稔若歲半稔即同年饑况過年饑唯有轉徙即國初三百餘里今之存者止二百數十里其故可知也本府原備員計曹五年且半竊聞各省值漕運歲實京邊者四百萬石而九

牧貢金歲二百萬兩近以邊餉歲增故太倉之粟尚可支十餘年而天府之藏入不供出大司農水衡違違告匱是當時之所不敷用者非粟無餘乃金不足也倘蒙軫念一方極疲極困將漕免正額允從請折則在國也太倉之所減者止每石七合而天府之所增者萬數千餘金在民也米無副耗等派可省一萬八千餘石銀無輕費過江湖等派可省六千六百餘兩上之不失正額而下得息重負之肩外之不煩鄰封而內得慰向隅之泣或者從長便計也抑亦時事之不得不然也伏乞破格推仁俯為達情而宣德救焚拯溺頓令起死而回生如謂此非災傷之年難從改折之議則正供不可減鄰

封未敢煩官復一官坐視越人之肥瘠歲復一歲毒深病子之膏盲烏窮則啄獸窮則攫地方之隱憂且醞釀于其中勢重不反晚難為圖矣再照本府抵任未幾遽有此議是任淺而言深誠為有罪然民情孔亟忍弗為言則慢上而殘下又豈勝誅故抱激切之下情敢為冒昧之上請

一申請儘免減派船脚議

看議得高安土瘠民貧人共知之賦重則偏亦人共知之夫禹貢成賦本于則壤今以瘠土重其賦是頽崖樹之層臺也周禮薄征乃以聚民今於貧民偏其則是飛夫肩之重擔也鮮不立傾而就仆者脫實有是田因有

是糧即重其何說之辭唯是先混虛以成實後坐實以多編此民之輾轉流離豈然喪其樂生之心也彼催逋之牒其下如雨而懸罄之室其冷如冰豈盡官徵之前哉蓋實物力之大屈耳往者民人具奏院司咨覆其所蠲者原派新安衛過江銀一千五百四十二兩零其所改派通省者原派四差均徭項下撫院皂隸轎傘夫工食與布按二司各官柴薪馬丁及禁子工食共銀一千一百五十五兩零又帶徵四司料銀一千兩也諸所軫念赤貧通融輕減者不啻彈厥心矣無如鄰封齟齬僉議見格何也卷查向者司道會議稱高安糧派太重民命難堪許以後可便宜輕省先與儘減又往歲本府

改折議詳蒙撫臺批或別有通融之術可甦困憊又近日民人袁善呈詞蒙按臺批多方設法輕省此不得已之鳴是高安之久困上之所洞知亦其所勤恤也適奉明文議將漕兌水軍九衛扁淺糧船改造江西運船着令衛軍直達江省兌運以免短僱鹽船儀徵盤剝之費仍將原徵僱船脚價四千兩悉從減派據江省漕糧四十萬石其僱船脚價四千兩大畧每糧一石派銀一分高安正兌二萬九千一百九十石則所應減者不過二百九十一兩九錢耳其餘減派之數雖應有漕兌五十州縣兩均沾第高安虛糧反浮于正額五十州縣未有也藩籬未割則此邑困憊誠若鄉鄰之聞畛域如忘則

一人隅泣皆其同室之憂冊查派則每民米一石別府縣折色全納銀止六錢二分六釐而高安至七錢六釐六毫總計高安民米九萬九千九百一十八石零比別府縣則外積之多派八千五十二兩零他賦勿論唯論漕兌一節每民米一石別府縣兌正副耗米共止二斗零而高安至四斗七升五合零別府縣三六蓆板米耗過江銀共止二分九釐零而高安至六分六釐零總計民米前數比別府縣則外積之多派五千六百九十五兩零瘠土貧民何以領此偏則重賦也哀我筠人豈獨匪民哉言之疾首刺心矣茲欲以兌則均攤于諸邑在高安似若圖輕而貽彼以加累即蒙以船脚盡減于高

安在諸邑不過存舊而非別有增編先據高安坐派新安衛過江銀兩原蒙題免之數迺以藩祿不敷仍徵解給夫宗室日繁祿派日縮誠當酌補獨計此非高安應專贍者以是充給不幾賦輕者蒙寬而賦重者偏累乎今據減派船脚四千兩除高安應免二百九十一兩九錢外謂宜照原派新安衛一千五百四十二兩三錢六分零扣存于司抵充藩祿用免高安坐派之數即諸邑將何辭焉其餘二千一百六十餘兩謂宜于高安則外多派兌銀五千六百五十九兩內准如數免減以甦一方之極困也又查前項船脚南昌府屬兌米八萬零原派八百餘兩今該應免之數附省首郡凡百倚重諸務

煩難本與他郡縣不同第瑞屬協濟該府倉米銀計三千一百七十一兩而高安至一千六百五兩之多貧民竭髓以供之是高安即該府之下邑也頃以力之不贍告改回而不得該府屬即不較此八百金讓減於高安以助協濟不給之苦似亦比隣相恤之義所謂為楚非為趙也况瑞屬以三縣供該府三千數百金多者千餘少者亦數百南屬以八州縣讓高安八百餘金多者百餘少者止數十獨重之與眾輕固相懸者不然即存此于該府屬以抵協濟之半俾高安得減八百金之派倘亦天理人情所不得不然者乎即該府屬將何辭焉有如均攤一定而不可改回一定而不得改折一定而不

能減派之便又復牽制則異日者府地華林哨聚其斲竿而從揭木而應者皆此方貧累之愚民至煩廟慮經費甚大地方之隱禍可勝道哉不知其時果獨倚辦于高安抑亦借給於隣封即今日萬一無此語曰歎死不擇音饑寒切身不顧廉恥先事之憂有司其能一日忘之且貽累無已時使閭井常空旋俛永嘆殊非太平之世所宜有也昔人有言天下事當心平氣和處之各府縣即各愛其民倘有瘠土蒙重賦貧民苦徧則如高安者不知其能坐視焚溺而不一為乘便引援否也為此激切不辭斧鉞覆議上請伏乞俯賜轉詳將江省減派之金盡數儘免高安庶百鈞之肩乘機而稍息一路之

高安縣志 卷之三  
哭遘會而聊收院臺所謂通融之術輕省之方計無出  
此者真瘠瘠疲邑二百餘年之一時也

一申請豁免加派宗祿議

看得江省地狹民稠土綿力屈頻年涖旱相仍維正之  
供逋負如蝟查天府祿米二萬石各祿八萬八千九十  
石庶儀祿二萬四千石共徵銀十萬四千兩有奇而帶  
徵新封一萬四千四百四十餘兩不與焉宗祿不為不  
多民力已為不支矣乃者蓋府辭免二千石淮府辭免  
一千石而按院秦以宗多祿少題請遞減者凡非目擊  
時艱欲變而通之以濟其窮哉夫族屬至于奉國將軍  
亦既遠矣而猶有三中尉者祿四百石世世不絕澤斬

五世祖且祧之宗且遷之此屬袒免之親獨得給爵祿  
不廢也是何上忍于祖之祧宗之遷而下不忍于袒免  
之施耶若不為遞減有所限制徒重困屈竭之衆坐供  
繩起之宗吾恐生齒之繁日異而月不同增祿之令前  
議而後無已雖山海不能繼况亦貧何堪此宗民兩病  
之策也讀國史嘉靖九年豐林王台瀚奏欲定限郡王  
將軍中尉子女之數其限外所生止給冠帶口糧彼台  
瀚亦郡王也獨不欲富乎亦見天派日衍徵租難繼而  
為之通其窮耳然此正以全諸宗也加編之議未敢以  
為便矣及照江省民貧府屬為最而府屬民貧高安為  
最乃者因虛糧過于實額其各宗米銀據糧算派較他

鄰縣之例已多派二千八百九十七兩民苦不堪頃赴  
闕告哀求均免則蓋萬不得已也聞有增祿之議舉邑  
皇皇哭告日至欲乘今者增祿攤除往者多派無非財  
盡力疲憚重就輕之意耳若往不能除而今復增累是  
水益深而火益熱流離轉徙所不忍言矣伏乞軫念刺  
骨之貧俯賜塗膏之惠免其增編宗祿以安輿情  
一申免加徵河工缺費議

看得河通運道兼皇祖陵寢近馬邇以河身填塞水溢  
臯陸巨浸之勢直逼陵園當事議濬下流而工費不敷  
欲行加派每糧一石米二升居王土食王毛者助費赴  
工誰無是願第必私室不匱而後可使急公亦必維正

稍寬而後可議加賦江省之民土瘠而貧賦重而累者  
無如瑞郡高安方在乞甦上高之貧不在高安下新昌  
舊雖產穀多係晚稻今秋遭旱十損五六嗷嗷之民即  
現徵南兌猶然不前况議祿則加議河則加凡此十室  
九空之民何當百孔千瘡之苦查得原議本以寬減直  
漕折米及停鹽商別帶引目夫寬于彼而欲嚴于此減  
于東而欲增於西停于商而欲濟於民豈謂大江以西  
獨無偏累之苦而節縮於商者乃可取所謂災民偏累  
難加者也今未完積逋各不下萬餘乃又欲派助河工  
是東鄰病瘠西隣尪羸醫者欲割西肉以補東瘡其誰  
堪之伏乞深念罷疲之民方坐水火大賜救援之力勿

竭膏脂轉請免加用甦積困庶小民不增負欠而地方可銷隱憂矣

萬歷三十四年監免周御題減舊例疏

奏為遵例查叅官員事再照高安賦額偏重固所從來往時部文催糧起存混算故府縣挪扯考滿而糧之逋也如故邇來除存算起完不及數知府不得考滿而調通判降俸二級而回知縣各被叅罰而不得免見任者悔前日之悞除後補者如苦海之求脫嗟嗟同此王土王民亦同此王臣造物豈容偏枯王政期于平準目擊時事者安忍坐視而不救此一方乎每年部堂止據完總而不見一方艱難之狀即地方官共為扼腕終歲謀

求而所在各自寬恤又且牽於取彼與此之難也惟職若親若疎無偏無護視此一方漕有漕苦儲有儲苦民有民苦蓋土產不佳而責之多出米幅員不廣而責之多出銀一縣官之未完可當數縣官之全完而猶責之叅罰即職一念急公一念恤私操縱之間自難開口此又職之苦該省院司亦不得知也且以江省大勢論之縣有大于南昌豐城者乎南昌漕米三萬八千石有奇矣而京儲一萬四千兩止也豐城漕米三萬二千石有奇矣而京儲五千兩止也高安不及兩縣遠甚何故漕米之多上同南昌而京儲二萬五千兩乎即如舊例一欵通省不過四萬三千六百兩有奇而高安即該一萬

五千六百八十一兩不知何說訪查志書國初老人黎伯安以陳友諒等將劉伍借協餉米六萬一千四百八十餘石坐作正糧進獻隨後遂為成數前此國用不急監稅諸職猶可聽其積逋而不言今何時哉自十七年拖欠向所不催併者一朝而督責于見任之身語追逋則前後不應語摻括則左右束手部檄之下如雨院司道府無不緊急之官院檄之下如雲士紳小民無不欠糧之戶至職欽承嚴例必于全完設法督催多方摻括及問此方完糧卒不能有加于舊非不欲完不能完也非惟勢不能完抑亦理不能完也蓋糧不問新舊止有此民官不憚征求止有此日至于日竭而技窮知者亦

難為計矣及今不為通融則高安之官將年年參之乎先年連參幾次矣曾聞參後而復完舊例絲毫者乎查參之時不問而知為高安豈人情事體乎職謂成額雖戒紛更極重亦須通變或將舊例銀兩量減三分之二通融一省之內上則州縣編補完解又查江省京儲歲派三十三萬六千零除已完外未完銀四萬餘兩而高安舊例即居未完之半則此項銀兩拘定在高安萬無完日徒有冊上之空文通融于各縣眾擎易舉庶為大倉之實有夫國用匱乏之目尚于多方生財錙銖必較而顧置見成之萬金於未完何也若謂事體重大難因一縣而擾一省然州縣不每年改折派乎又如東倭發

難江北州縣不連年加派乎及派時如均加之誰有爭  
言滋擾者乎非常之原黎民懼焉及臻厥成天下晏如  
也且聞目今院司強將別縣三十一年糧銀挪抵高安  
舊例獨非暗自通融乎暗孰若明而令州縣不灰心職  
部不掣肘也亦知言之多事不若三緘為高顧新例以  
盡數報完方准回部責職高安之不完即職之不完知  
其不完而置之不參非法明知其不完之故而不為請  
命亦非法也傳曰人臣出境有可以安國家定社稷專  
之猶可况在事言事為職掌內事者乎并乞命下之日  
行司叅覆責成江省撫按勉強而必行之自三十三季  
為始將高安縣舊例量減一萬攤派通省上則州縣通

融補解庶大倉歲饗萬全之實府縣不苦考滿之難職  
亦藉是役以報國矣緣係遵例查叅官員事理除具題  
外為此今具奏聞奉旨戶部知道欽遵在卷

萬歷四十四年

撫院陳于廷

題定上疲疏

為軍餉萬分缺乏懇乞明旨特勅計臣及各省直撫臣  
清查積逋速為解發以安軍心以預邊備事奉巡撫江  
西都察院右副都御史王案驗准戶部咨前事即將瑞  
州府高安上高新昌三縣與袁州府萬載一縣所擬高  
安萬載二縣上疲上高新昌次疲再為行查的確務要  
據實具題以便覆請定奪施行等因到院准此案查先  
據該司署印右叅政王畿看得江右一省土多瘠磽物

力纖微當順成之歲僅可供貢賦而給饗殮適值凶荒  
遂嘆谷糴而歌萋楚囂然喪其樂生之心故邇來邑多  
逋負之賦官蒙叅罰之辜至于瑞州之高安上高新昌  
袁州之萬載地力彌薄既不足以任畊稼生理愈蹙幾  
不能以保室家合而言之四縣視他縣為疲分而言之  
高萬視上新尤疲蓋地之因災而疲者不災則瓶罍未  
罄婦子嬉聚猶未疲也若災固疲不災亦疲則今日之  
高萬為最而上新特稍善於此耳今照陝西事例以高  
萬作上疲以上新作次疲上疲者錢糧定七分以上為  
則完不及則者罰次疲者定八分以上為則完不及則  
者罰未完仍行催解其他州縣不得比援四邑為例庶

吏治肅而地方攸賴等因詳院該本院會同巡按江西  
御史陳看得江西原係瘠土而瑞州三縣袁州萬載一  
縣最為疲做瑞州負山帶谿地當高亢故高安上高俱  
以高名邑自宋太平興國割高上二縣等地建治名曰  
新昌故三縣土瘠民貧大畧相似而高安尤苦賦重蓋  
以偽漢增虛糧六萬餘石沿為定額勢不能減賠賦二  
百數十餘年凋瘵已極袁州萬載應居山中素稱巖邑  
稍早則平原皆為赤土稍潦則萬阜盡作洪濤稅租難  
供閭閻日耗官甘重罰端的坐此既經該司查議凋敝  
分數確有的據合做陝西事例高安萬載作上疲完全  
七分以上免罰其未完錢糧仍勒限設法催徵完解其

他州縣不得援以為例移咨去後今奉前因該本司署  
印右叅政鄔鳴雷看得江西素稱瘠薄之區高萬上新  
四縣又苦凋疲之最叢山峻嶺大類不毛重賦虛糧僅  
存立骨加之旱潦為虐益致困憊難堪故無歲無不逋  
之賦亦無歲無不叅之官雖減等寬恤實出萬分不得  
已所有免叅分數應做陝西事例以高萬作上疲完至  
七分以上以上新作次疲完至八分以上各免叅罰今  
據前因該職會同巡按御史陳看得高萬上新四縣土  
瘠民貧差繁賦重無論歲凶與否新舊錢糧每多逋負  
特因向蒙寬政視為故常今京邊日乏新例每歲查叅  
始知警惕而有司啟撲不停實因凋疲所致况三十九

年以來連歲旱沴故據災疲求減叅罰第災疲原係兩  
事竊恐借災混稱凋疲希圖倖免故行職等覈實查高  
安萬載實係上疲上新高萬實係次疲若做陝西減等  
事例酌為定規相應題請伏乞勅下戶部再加查議如  
果職等所言不謬將高安萬載作上疲完至七分以上  
免叅上新高萬作次疲完至八分以上免叅不及分數  
者照例叅罰未完仍設法徵解他州縣不得援此為例  
庶考成不悖而國計民生兩有攸賴等因又該巡按御  
史陳題同前事俱奉旨戶部知道欽此欽遵通抄到部  
送司案查萬歷四十三年四月內奉本部送戶科抄出  
巡撫江西都御史王題定則例如陝西見行上疲十二

州縣次疲十一州縣呈堂咨行該省撫按覆查等因四  
十四年六月十五日戶部尚書李具題本月十九日奉  
旨是欽此欽遵擬合就行為此合咨前去煩為查照題  
奉欽依內事理轉行布政司施行

天啟四年

撫院韓光祿

按院田珍題允舊例疏

為疲邑賦額偏重懇乞聖恩寬恤以甦民困事據江西  
布政使司呈奉職批據瑞州府高安縣申議舊例錢糧  
另立一欸緣由奉批仰布政司會同督糧道守南道查  
議報併蒙巡按御史田批同前事外備劄行府帖行該  
縣即將批詳內事理再加酌議妥確申府覆議轉報又  
奉職批據高安縣鄉約熊家相等呈為賦額偏重虛糧

久磨極困難支累官叅罰頒恩援例題豁以甦冤阮事  
又奉批據里老趙思普等呈為疲邑積逋波及憲臺民  
不安生事又奉批據兩學生員謝廷芝等呈為官以虛  
逋累民以虛賦累懇乞代請甦虛免逋恤民全官以安  
地方以免死徙事俱稱乞憐高安上疲查歷案述遠題  
豁舊例銀兩萬不得已如田彭兩知縣歲解二千兩永  
為成式等情俱奉批仰布政司查報并蒙巡按田批據  
各呈同前事外備劄抄呈行府隨行該縣查確申報以  
憑轉詳據知縣朱道行回稱高安土瘠民貧皆因賦額  
太重輸納不前以致先後縣官無不被叅罰者查志唐  
宋以來載額徵五萬七千二百餘石因偽漢守將劉伍

借協餉米六萬一千五百餘石寇平定賦老人黎伯安  
圖邀爵賞合額徵借協之數進上遂至一十一萬八千  
七百有奇伯安雖以誣罔受誅而成數迄今未改時日  
浸久財力浸竭隆慶二年本府鄧知府目擊時艱要將  
原額實糧照例派徵其借協虛數免派允淮及各府祿  
米協濟南昌倉米分攤通省均派換出各府屬縣京庫  
米與棉布折色米坐還高安認納蒙前任巡撫劉巡按  
顧批行司道議妥准行在卷因官更時易未經奉行萬  
歷十九年民人王乾等復奏前事奉旨下部咨行撫按  
衙門部覆題奉旨這所議係一縣錢糧均派通省果否  
人情相安還行與撫按官取各府縣公結具奏復以府

縣各為其民不肯結報事遂中寢且本縣困苦萬狀京  
省無不通知本縣縉紳痾痛切身如敷侍郎首倡求行  
前議又以人情不齊憤激請告二十三年因有舊例一  
項係南京派剩米數名雖扣解南部迺南部向不查催  
府縣向不徵解緣不係徵邊錢糧可無徵納通共四萬  
三千六百兩坐派本縣一萬五千六百八十一兩實以  
此不急之徵為蠲恤本縣之意耳不意二十八年間改  
入北部一體考成三十二年監允周主事獨將前項摘  
出具題奉旨戶部知道欽遵在卷三十四年十月間蒙  
前任巡撫許宏綱為給由考覈得高安知縣田一甲玉  
立英標冰凝雅操振刷六曹弊絕催科五載心勞稱職

及查高安賦重民貧困累已極先因酌議蘓息乃以通  
省舊例米九萬三千九百餘石內坐派高安二萬六千  
一百三十六石蓋舊例即南京倉米內派剩之米昔時  
名雖扣解南部而南部向不查催民間十不完一以此  
蓋之高安庶幾舊額不失而徵輸可緩耳不期後乃改  
解北京一例催徵民始嗷嗷告急矣以致耆老彭价唐  
奇等接踵具告在京士夫敷文正里民王乾等具奏下  
部行職等衙門三覆勘議徒以制賦難除至今竟莫能  
為寬減計合縣士民固知上下相持不肯完納是高安  
徵不及數即此舊例無完皆稱賦重難完夫通省不滿  
十萬而高安一隅乃當三分之一苦不愈重乎今該知

縣田一甲三年任內該舊例五萬七千四十五兩管解  
過一萬餘兩稽之往籍從來未有必欲取盈如額萬萬  
不能况各項錢糧俱已完無欠本官可謂殫力催徵五  
載一考罔與則恩典反靳于賢令而勞臣亦無所勸矣  
既覆議前采相應准令給由奉旨戶部知道欽遵在卷  
四十二年十月間本府為給由事奉布政司劄付奉前  
任巡撫王佐案驗准戶部咨清吏司案呈內稱江西糧  
米無如高安為多數至一十一萬八千七百餘石原額  
實止五萬七千二百餘石俱因虛報賦重稱累久矣通  
省舊例共四萬三千六百兩有奇原係南米派剩向來  
視為可緩故于該縣獨派一萬五千六百八十餘兩以

示寬恤嗣後改解北部載入考成于是民苦敲朴歲奉  
查叅無一官不受罰者今必欲責成該縣則民力已竭  
勢必迫而逃亡欲加派別縣則額外多徵誰肯甘心樂  
受無已開一線路以縣官除各項錢糧外舊例一項姑  
照田彭二縣官分數照年扣算准令給由如遇查叅明  
白開豁別縣不得援以為例仍明立一例不及二令分  
數者亦不准給由俟別縣有陞科錢糧陸續攤派等因  
到部送司該本司看得高安縣歲派舊例銀一萬五千  
六百八十餘兩並無一年完解自二十八年題準考成  
新例謂當季銀兩不得分毫虧欠屢該撫按查叅備陳  
該縣凋疲議照減等舊例該降職止擬降俸及至考滿

除各項錢糧務要盡數全完舊例一項果能如田彭二  
縣官分數亦姑准其給由似亦考成之中稍寓寬恤之  
意合依擬咨覆呈奉本部堂批高安歲派舊例銀兩既  
無一季報完又難攤派別縣則除此一項另算以田彭  
二縣官為準亦宜如云俟別縣陞科錢糧陸續攤派或  
當另議移司合咨前去煩將高安縣歲派舊例銀兩如  
遇經管官員考滿另為查算明白聲說完及田彭二縣  
官分數者起送給由別縣不得援以為例其舊例查叅  
亦宜另為一欵每年以若干為準完不及田彭二縣官  
者不准給由或有處置之方仍希詳議的確速為咨報  
到院行司劄府帖縣即將歲派舊例銀兩遵照部議以

後另為一欵設法徵解如完不及二官者俱照叅罰施行在卷卑縣細查故案各有確據伏乞轉詳等因到府該本府知府魯史看得高安以上疲事例完七分三釐者准給由六分五釐者免叅罰云云緣由申詳到司并准分守南昌道咨又准督糧道咨各咨覆前來該本司左布政使談復看得高安土瘠賦重積累久矣先時以舊例一項視為可緩故獨多派該縣以示寬恤嗣奉載入考成民之輸納不前蒞茲土者無不為民受罰即叅罰森嚴其逋負如故設使可以徵完誰肯自干憲典此項錢糧之必不能取盈如額也匪朝夕矣今士民紛紛控訴欲將此項另立一欵照田彭二令歲解二分永為

成式而該府縣力為申請又糧守二道會議僉同合無呈請憲裁等因到職該職會同巡按御史田看得高安縣為一省首疲之邑以土壤之瘠也賦額之重也民力之殫竭也惟正有常供相沿非一日合省七十八州縣誰不稱苦稱難敢為一邑求寬政哉惟是高安舊例銀派自萬歷三年原係南米派剩視為可緩故于通省居三分之一派米二萬六千一百三十六石該銀一萬五千六百八十一兩以寬此一邑之苦耳至萬歷二十八年改入北部一體考成昔為南派之剩餘今為北解之正額昔以無考成而可緩今以有考成而並急令重者益重而原初蘓枯之仁反致罹竭澤之慘亦大可哀矣

該縣士民紛紛控訴既引周主政題攤之原請又述部覆另立一欵之成案欲將此項銀兩照田彭二令例歲解二分以甦民困稍為疲邑存骨上肉耳職等非不知軍興旁午徵輸急于星火搜括盡乎錙銖往往于額外議增豈得于額內議減無奈該縣凋疲之極官民交困下苦于財之無所出上苦于令之不能行年年逋負年年敲朴年年叅罰豈無豐稔之歲多賴之民精敏之官一切之法即欲如田彭二令所完之分數不能也瑞屬三縣耳以新上二縣徵完之額合算之不能補高安之虧以高安一縣歲編各項徵完之額合算之不能補舊例之缺致已陞蒞任之知府尚被叅罰現在受事之知

府堅欲告休而縣令之狼狽而去者且接踵矣吏不能安其職民不能安其生其原皆起于舊例之為累也今據司道議詳前來相應具題伏乞勅下戶部再加查覆如果職等所言不謬亟為覆議上請將高安舊例一項查照原題摘出另立一欵免其與京邊一體考成歲解二分永為定規行職等遵奉施行惟復別有定奪緣係疲邑賦額偏重懇乞聖恩寬恤以甦民困事理合具題天啟四年七月奉旨戶部知道

